

續修廬州府志

10230.11

6139

部三:18

卷十七

學校志



續修廬州府志卷十七

花翎道銜江南安徽廬州府知府清泉黃 雲總修

學校志

廬郡學宮自漢已彰何武行部講誦褒揚儒林所出禮義之邦興修習樂著於兩江

府學在府治東唐會昌間肇建迨宋紹興隆興間以兵戎廢歷乾道嘉定帥守趙礪老翟朝宗重新之明宣德中府同知謝庸創修自正統至正德知府揭稽史濡孟玘李崙馬金徐鈺前後增置齋舍亭廡庖庫庖漏之屬規制始備又廟中爲大成殿嘉靖九年更名曰先師廟廟兩翼爲廡東西各十三楹東廡右隅爲樂器庫三楹

續修廬州府志

卷十七

學校志

一

廟前爲戟門門之前爲泮池爲橋池制舊狹嘉靖四十六年知府呂鳴珂增廣一丈二尺又前爲櫺星門啟聖祠在廟西北隅廟之後爲明倫堂左翼爲進德齋正誼齋右翼爲崇道齋育英齋禮門在左二齋下堂之後爲敬一亭中有嘉靖御製敬一箴碑旁四箴碑知府周瑯改馬金所構春風亭爲之馮聖世移今處後尊經閣宋名稽古翟朝宗建明馬金龍誥馮聖世賈克忠修閣後有筆架山其旁皆射圃地馬金建觀德亭於圃中明倫堂之西爲教授宅宅南號房二十楹又南爲訓導宅二宅前倉六楹堂之東爲饌堂名聚星學士孫承恩記又前訓導宅一宅南號房亦二十楹又南爲吏廨土地祠

省牲所所南爲井亭扁曰狀元井再前爲學門名宦祠
在學門左鄉賢祠在櫺星門右櫺星之南爲雲路坊左
右聖域賢關二坊知府張大忠修東舊有一門教授聶
曼所闢萬曆三年知府吳道明建興文樓高二丈四尺
明崇禎壬午被賊焚毀十不存二三

國朝知府吳允昇於順治八年捐俸修廟康熙二十年知
府薛之佐重修復建名宦祠康熙二十二年知府杜立
本畢其工康熙四十九年知府馬雲從重修有碑記乾
隆五年知府尤拔世重修乾隆二十一年知府趙瓚重
修有碑記乾隆二十八年知府王歲重修乾隆三十三
年知府祝忻重修未竣知府徐文燦接修成之乾隆四

續修廬州府志

卷十七

學校志

二

十五年知府恭格重修並添築照牆有碑記乾隆四十
六年紳士重修泮池有碑記乾隆五十七年知府和騰
額重修並建奎樓嘉慶七年知府溫陵張祥雲捐俸倡
修正殿兩廡至戟門櫺星門泮池雲路坊明倫堂並周
圍牆垣有碑記咸豐年間兵燹被毀同治二年褚開泰
捐錢一千串助修四年經官紳甘涼道李鶴章倡勸淮
軍文武捐銀一萬八千兩並請五屬復抽畝捐是年冬
署兩江總督今大學士肅毅伯李鴻章札行署廬州府
唐景皋候選道李蘊章贊善銜禮部主事黃先瑜舉人
葉士選知縣戴昌言知州銜前署宿州教諭劉步青副
貢生試用教諭徐桂森五品銜花翎候選教諭許宜世

等督修所有 大成殿兩廡戟門泮池櫺星門一律遵
照舊式逾年修竣並建崇聖祠鄉賢祠名宦祠福神祠
東西學署又於學署東首臨街造屋三重由知府諭紳
經理招租得息撥歸府學歲修工費

先師廟正殿五楹康熙二十三年恭奉

御書萬世師表匾額雍正四年恭奉

御書生民未有匾額乾隆三年恭奉

御書與天地參匾額嘉慶五年恭奉

御書聖集大成匾額道光元年恭奉

御書聖協時中匾額咸豐元年恭奉

御書德齊疇載匾額同治元年恭奉

續修廬州府志 卷十七 學校志

三

御書聖神天縱匾額光緒元年恭奉

今上御書斯文在茲匾額

正殿奉

至聖先師孔子

唐贈文宣王宋謚至聖文宣王明嘉靖九年稱至聖先師孔子去塑像用木主朱地

金書

東配

復聖顏子

唐贈充公宋封充國公元封復聖公明嘉靖九年稱復聖顏子主用赤地黑書後同

述聖子思子

宋封沂水侯咸淳三年封沂國公元封述聖公明嘉靖九年稱述聖子思子

西配

宗聖曾子

唐贈成伯宋始封瑕邱侯後封武城侯咸淳三年封郕國公元封宗聖公明嘉靖九年稱

宗聖曾子

亞聖孟子 宋封鄒國公元封亞聖公明嘉靖九年稱亞聖孟子

東哲

先賢閔子損 唐贈費侯宋封鄆公後封費公明嘉靖九年稱先賢閔子白四配以下皆稱先賢

某子

先賢冉子雍 唐贈薛侯宋封下邳公後封薛公

先賢端木子賜 唐贈黎侯宋封黎陽公後封黎公

先賢仲子由 唐贈衛侯宋封河內公後封衛公

先賢卜子商 唐贈魏侯宋封河東公後封魏公

先賢有子若 唐贈卜伯宋封平陰侯 國朝乾隆元年升列東哲之次

西哲

先賢冉子耕 唐贈鄆侯宋封東平公後封鄆公

續修廬州府志 卷十七 學校志

四

先賢宰子予 唐贈齊侯宋封臨淄公後封齊公

先賢冉子求 唐贈徐侯宋封彭城公後封徐公

先賢言子偃 唐封吳侯宋封丹陽公後封吳公

先賢顓孫子師 唐贈陳伯宋封宛邱侯後封潁川侯咸高間升十哲封陳公

先賢朱子熹 宋高祐元年從祀封徽國公 國朝康熙五十一年升列西哲之次

東廡

先賢公孫僑 國朝咸豐七年從祀

先賢林放 宋封長山侯 國朝雍正二年復祀

先賢原憲 唐贈原伯宋封任城侯

先賢南宮适 唐贈鄭伯宋封龔邱侯後封汶陽侯

先賢商瞿 唐贈蒙伯宋封須昌侯

先賢漆雕開

唐贈滕伯宋封平輿侯

先賢司馬耕

唐贈向伯宋封楚邱侯後封睢陽侯

先賢梁鱣

唐贈梁伯宋封千乘侯

先賢冉孺

唐贈郈伯宋封臨淄侯

先賢伯虔

唐贈鄒伯宋封流陽侯

先賢冉季

唐贈東平伯宋封諸城侯

先賢漆雕徒父

唐贈須句伯宋封高苑侯

先賢漆雕哆

唐贈武城伯宋封濮陽侯

先賢公西赤

唐贈邵伯宋封鉅野侯

先賢任不齊

唐贈任城伯宋封當陽侯

先賢公良孺

唐贈東牟伯宋封牟平侯

續修廬州府志

卷十七

學校志

五

先賢公肩定

唐贈新田伯宋封梁父侯

先賢鄒單

唐贈銅鞮伯宋封聊城侯

先賢罕父黑

唐贈乘邱伯宋封祁鄉侯

先賢榮旂

唐贈雩婁伯宋封厭次侯

先賢左人郢

唐贈臨淄伯宋封南華侯

先賢鄭國

唐贈滎陽伯宋封胸山侯

先賢原亢

唐贈萊蕪伯宋封樂平侯

先賢廉潔

唐贈莒父伯宋封胙城侯

先賢叔仲會

唐贈瑕邱伯宋封博平侯

先賢公西輿如

唐贈重邱伯宋封臨胸侯

先賢邾巽

唐贈平陸伯宋封高堂侯

先賢陳亢 唐贈穎伯宋封南頓侯

先賢琴張 宋封頓邱侯後封陽平侯

先賢步叔乘 唐贈澶于伯宋封博昌侯

先賢秦非 唐贈汧陽伯宋封華亭侯

先賢顏噲 唐贈朱虛伯宋封濟陰侯

先賢顏何 唐贈開陽伯宋封堂邑侯

先賢縣實 國朝雍正二年從祀

先賢牧皮 國朝雍正二年從祀

先賢樂正克 宋政和五年配享孟廟

先賢萬章 國朝雍正二年從祀

先賢周敦頤 宋淳祐元年從祀封汝南伯

續修廬州府志

卷十七

學校志

先賢程顥 宋淳祐元年從祀封河南伯

先賢邵雍 宋咸淳二年從祀封新安伯

先儒公羊高 唐貞觀二十一年從祀宋封臨淄伯

先儒伏勝 唐貞觀二十一年從祀宋封乘氏伯

先儒毛亨 國朝同治二年從祀

先儒孔安國 唐貞觀二十一年從祀宋封曲阜伯

先儒后蒼 明嘉靖九年從祀

先儒許慎 國朝光緒二年從祀

先儒鄭康成 唐貞觀二十一年從祀宋封高密伯

先儒范甯 唐貞觀二十一年從祀宋封新野伯

先儒陸贄 國朝道光六年從祀

先儒范仲淹 國朝康熙五十四年從祀

先儒歐陽修 明嘉靖九年從祀

先儒司馬光 宋咸淳三年從祀

先儒謝良佐 國朝道光二十九年從祀

先儒羅從彥 明萬曆四十二年從祀

先儒李綱 國朝咸豐九年從祀

先儒張栻 宋景定二年從祀封華陽伯

先儒陸九淵 明嘉靖九年從祀

先儒陳淳 國朝雍正二年從祀

先儒真德秀 元至正二十二年從祀明正統四年復祀
成化二年封蒲城伯

先儒何基 國朝雍正二年從祀

續修廬州府志

卷十七

學校志

七

先儒文天祥 國朝道光二十三年從祀

先儒趙復 國朝雍正二年從祀

先儒金履祥 國朝雍正二年從祀

先儒陳澔 國朝雍正二年從祀

先儒方孝孺 國朝同治二年從祀

先儒薛瑄 明隆慶五年從祀

先儒胡居仁 明萬曆十二年從祀
國朝乾隆三年復祀

先儒羅欽順 國朝雍正二年從祀

先儒呂柟 國朝同治二年從祀

先儒劉宗周 國朝道光二年從祀

先儒孫奇逢 國朝道光八年從祀

先儒張履祥 國朝同治十年從祀

先儒陸隴其 國朝雍正二年從祀

先儒張伯行 國朝光緒四年從祀

西廡

先賢蘧瑗 宋贈內黃侯元延祐六年從祀 國朝雍正二年復祀

先賢澹臺滅明 唐贈江伯宋封金鄉侯

先賢宓不齊 唐贈單伯宋封單父侯

先賢公冶長 唐贈莒伯宋封高密侯

先賢公皙哀 唐贈郟伯宋封北海侯

先賢高柴 唐贈共伯宋封共城侯

先賢樊須 唐贈樊伯宋封益都侯

續修廬州府志

卷十七

學校志

先賢商澤 唐贈睢陽伯宋封鄒平侯

先賢巫馬施 唐贈鄆伯宋封東阿侯

先賢顏辛 唐贈蕭伯宋封陽穀侯

先賢曹卣 唐贈豐伯宋封上蔡侯

先賢公孫龍 唐贈黃伯宋封枝江侯

先賢秦商 唐贈上洛伯宋封鄆城侯

先賢顏高 唐贈瑯琊伯宋封雷澤侯

先賢壤駟赤 唐贈北徵伯宋封上邽侯

先賢石作蜀 唐贈郈邑伯宋封成紀侯

先賢公夏首 唐贈亢父伯宋封鉅平侯

先賢后處 唐贈營邱伯宋封膠東侯

先賢奚容蒧 唐贈下邳伯宋封濟陽侯

先賢顏祖 唐贈臨沂伯宋封富陽侯

先賢句井疆 唐贈淇伯宋封滏陽侯

先賢秦祖 唐贈少梁伯宋封馮翊侯

先賢縣成 唐贈鉅野伯宋封武城侯

先賢公祖句茲 唐贈期思伯宋封卽墨侯

先賢燕伋 唐贈漁陽伯宋封汧源侯

先賢樂欬 唐贈昌平伯宋封建成侯

先賢狄黑 唐贈臨濟伯宋封林慮侯

先賢孔忠 唐贈汶陽伯宋封鄆城侯

先賢公西蒧 唐贈祝阿伯宋封徐城侯

續修廬州府志 卷十七 學校志 九

先賢顏之僕 唐贈東武伯宋封宛句侯

先賢施之常 唐贈乘氏伯宋封臨濮侯

先賢申棖 唐贈召陵伯宋封文登侯

先賢左邱明 唐貞觀二十一年從祀宋封瑕邱伯後封
中都伯明崇禎十五年改稱先賢並改宋

儒周二程張朱邵
六子亦稱先賢

先賢秦冉 唐贈彭衙伯宋封新息侯

先賢公明儀 國朝咸豐三年從祀

先賢公都子 宋政和五年從祀孟廟

先賢公孫丑 宋政和五年從祀孟廟

先賢張載 宋淳祐元年從祀封郕伯

先賢程頤 宋淳祐元年從祀封伊陽伯

先儒穀梁赤

唐貞觀二十一年從祀宋封龔邱伯後封睢陵伯

先儒高堂生

唐貞觀二十一年從祀宋封萊蕪伯

先儒董仲舒

元至順元年從祀明洪武二十九年復祀成化二年封廣川伯

先儒劉德

國朝光緒三年從祀

先儒毛萇

唐貞觀二十年從祀宋封樂壽伯

先儒杜子春

唐貞觀二十一年從祀宋封緱氏伯

先儒諸葛亮

國朝雍正二年從祀

先儒王通

明嘉靖九年從祀

先儒韓愈

宋元封七年從祀封昌黎伯

先儒胡瑗

明嘉靖九年從祀

先儒韓琦

國朝咸豐二年從祀

續修廬州府志

卷十七

學校志

十

先儒楊時

元至正二十二年從祀明宏治八年復祀封將樂伯

先儒尹焞

國朝雍正二年從祀

先儒胡安國

元至正二十二年從祀明正統二年復祀成化二年封建甯伯

先儒李侗

元至正二十二年從祀明萬曆四年復祀

先儒呂祖謙

宋景定二年從祀封開封伯

先儒袁燮

國朝同治七年從祀

先儒黃榦

國朝雍正二年從祀

先儒輔廣

國朝光緒六年從祀

先儒蔡沈

元至正二十二年從祀明正統二年復祀成化二年封崇安伯

先儒魏了翁

國朝雍正二年從祀

先儒王柏

國朝雍正二年從祀

先儒陸秀夫 國朝咸豐九年從祀

先儒許衡 元皇慶二年從祀

先儒吳澄 明正統八年從祀

先儒許謙 國朝雍正二年從祀

先儒曹端 國朝咸豐十年從祀

先儒陳獻章 明萬曆十二年從祀

先儒蔡清 國朝雍正二年從祀

先儒王守仁 明萬曆十二年從祀

先儒呂坤 國朝道光六年從祀

先儒黃道周 國朝道光五年從祀

先儒陸世儀 國朝光緒元年從祀

續修廬州府志 卷十七 學校志 十一

先儒湯斌 國朝道光三年從祀

右兩廡先賢先儒位俱謹遵同治二年七年與光緒間

欽定序列 木主規制 同十哲

崇聖祠在府學東北原名啟聖祠雍正二年稱崇聖祠

肇聖王木金父公 國朝雍正元年封肇聖王

裕聖王祈父公 國朝雍正元年封裕聖王

貽聖王防父公 國朝雍正元年封貽聖王

昌聖王伯夏公 國朝雍正元年封昌聖王

啟聖王叔梁公 明嘉靖九年立祠題曰啟聖孔氏 國朝雍正元年封啟聖王

從祀 先賢孔氏孟皮 國朝咸豐七年配享

先賢顏無繇 唐贈杞伯宋封曲阜侯

先賢曾點 唐贈宿伯宋封萊蕪侯明嘉靖九年改配啟聖祠

先賢孔鯉 宋封泗水侯明嘉靖九年改配啟聖祠

先賢孟激 國朝雍正元年從祀稱公宜

先賢周輔成 國朝雍正元年從祀

先賢程珦 明嘉靖九年從祀 國朝雍正元年復祀

先賢朱松 明嘉靖九年從祀 國朝雍正元年復祀

先賢蔡元定 明嘉靖九年從祀 國朝雍正元年復祀

先賢張迪 國朝雍正二年從祀

楊奎祀典考 國朝重道尊師邁越千古崇聖追封五代丁祭特用太牢左廡首邁瑗右廡首林放先賢升十哲者二人先儒升先賢者六人先賢先儒復祀增祀者二十九人歷考前代典章所未有也昔漢高帝十二年

續修廬州府志 卷十七 學校志 三

過魯以太牢祀孔子封九世孫騰為奉祀君此祀孔子封聖裔之始元帝封孔廟為褒成君賜爵關內侯此褒爵之始平帝元始元年追謚孔子褒成宣尼公此追謚之始東漢明帝永平二年令郡縣於學校祀周公孔子此國學郡縣祀孔子之始十五年過魯祀孔子及七十二弟子此弟子從祀之始桓帝元嘉三年置百石卒史一人掌領禮器此聖廟設官之始魏正始七年設奠以太牢祀孔子於辟雍以顏淵配此國學釋奠顏子配享之始晉成帝咸康元年帝親釋奠此天子親祭之始南宋文帝元嘉二十二年釋奠樂用登歌此用樂之始齊武帝永明三年設軒懸之樂六佾之舞此用舞之始隋文帝詔國子寺歲以四仲上丁釋奠州郡學以春秋二仲此丁祭之始唐太宗貞觀二十一年以左邱明公羊高穀梁赤秦伏勝漢高堂生毛萇孔安國杜子春等二十二代人代用其書從祀孔廟此先儒從祀之始高宗總章元年贈顏淵太子少師曾參太子少保並配享孔廟此曾子配享之始明皇開元八年升十哲及曾子為坐像此十哲配享之始二十七年加謚孔子為文宣王封孔璣之為文宣公十哲為公侯曾子及七十二賢為伯此孔子稱王聖裔稱公七十二賢從祀之始後周太祖廣順二年謁廟再拜至墓復拜此天子親拜之始宋太宗淳化四年詔先聖廟朔望焚香此行香之始仁宗

續修廬州府志

卷十七

學校志

三

至和二年改封孔子四十六世孫宗愿為衍聖公此稱
 衍聖公之始真宗太宗祥符元年封聖父為齊國公聖
 母顏氏魯國太夫人聖配元賂官氏鄭國夫人此聖父
 封爵之始五年改祀孔子為至聖文宣王此稱至聖之
 始神宗元豐七年以孟子與顏子並配列韓愈從祀此
 孟子配享之始徽宗崇寧三年詔文宣王殿曰大成此
 稱大成殿之始又大觀二年躋子思從祀此子思配享
 之始理宗清祐元年封周敦頤張載程灝程頤為伯與
 朱子並從祀此周程張朱從祀之始又景定二年以宋
 張栻呂祖謙從祀度宗咸淳三年以顏曾思孟配享廟
 殿升子張於十哲之列宋邵雍司馬光從祀此四大賢同
 配享子張於十哲之始元仁宗皇帝慶二年以元許衡從
 祀文宗至順元年加封聖父為啟聖王封顏子為復
 聖公會子邨國宗聖公孔子思沂國述聖公孟子邾國亞
 聖公列漢董仲舒從祀此聖父封王四配稱聖之始明
 洪武四年更定祭器禮物各置高案此改席地置高案
 之始正統二年以宋胡安國蔡沈真德秀從祀此儒學用樂舞
 年以顏孟後裔世襲五經博士此賢裔襲博士之始宏
 治九年以宋楊時從祀嘉靖九年更定祀典尊曰至聖
 先師祀用木主四配稱十哲七十二年賢稱先賢左邱明
 以下稱先儒俱易公侯伯號進漢后蒼隋王通宋胡瑗

歐陽修陸九淵從祀此稱至聖先師易木主改配祀稱
 子之始是年別立啟聖祠祀啟聖公以先賢顏無繇曾
 點孔鯉孟激配先儒程珦始隆慶五年以明薛瑄從祀
 聖祠暨四賢三儒配祀之始隆慶五年以明薛瑄從祀
 萬曆十二年以明陳獻章胡居仁王守仁從祀二李
 年以宋周輔成從祀啟聖祠四十七年以宋羅從彥李
 侗從祀我朝順治元年定月朔及進士釋褐釋菜
 禮月望行香儀九年世祖章皇帝臨雍親祭行
 兩跪六叩頭禮康熙二十三年御書萬世師表額
 闕里釋奠行三跪九叩頭禮始四十九年詔
 彌闕里及天下學宮此頌額之始武職行禮之始五
 直省大小武職一體入聖廟行禮之始武職行禮之始五
 十一年升朱子稱先賢列西哲之次此朱子升哲之始
 五十四年增宋范仲淹從祀雍正元年崇祀廟先行致
 皇帝册封至聖五代王更啟聖祠日崇祀廟先行致
 祭此五代封王合祀崇聖祠更名之始二年崇祀廟
 以後幸學釋奠改為詣學此稱詣學之始復祀先賢
 瑗林放秦冉顏何增祀先賢左邱明周敦頤張載程灝
 萬章公孫丑升祀先賢漢鄭康成晉范甯增祀先儒諸
 邵雍為先賢復祀先儒漢鄭康成晉范甯增祀先儒諸
 葛亮宋尹焞黃榦陳淳魏了翁何基王柏元趙復金
 履祥許謙陳淵明羅欽順蔡清國朝陸隴其又增

宋張迪於崇聖祠

作邱字此遊聖諱之始

此郡縣用太牢之始四年

帛曾此跪獻之始

五年御書生民未有額照前頒發

不理刑名禁止屠宰此聖誕齋戒之始乾隆三年

御書與天地參額亦照前頒發升先賢有子列東哲

之次復元吳澄從祀此有子升哲之始九年聖裔昭煥

龔封衍聖公由孔子而來至於今已七十有一世矣若

夫疊下綸音親臨闕里禮明樂備至再

再三錫類推恩有加無已祀生增至四百三十六名之

眾祀典上軼二千三百餘載之隆未有盛於今日者也

先師祭品帛一筐酒三爵大羹一登和羹二鉶黍稷二簋

稻粱二簋形鹽薹魚棗栗榛菱芡鹿脯八邊韭菹菁菹

芹菹筍菹醯醢兔醢鹿醢魚醢八豆牛一羊一豕一

四配祭品各帛一筐酒三爵大羹一登和羹一鉶黍一

簋稷一簋形鹽薹魚菱棗栗鹿脯六邊菁菹筍菹芹菹

續修廬州府志

卷十七

學校志

古

鹿醢兔醢魚醢六豆共用羊一豕一東西同

十哲祭品各帛一筐酒三爵和羹一鉶黍一簋稷一簋

形鹽棗栗鹿脯四邊菁菹筍菹鹿醢兔醢四豆羊一豕

一東西同

兩廡祭品每四位為一壇壇酒四爵黍一簋稷一簋形

鹽棗栗鹿脯四邊菁菹芹菹鹿醢兔醢四豆羊一豕一

東西同

凡祭皆於春秋仲月上丁日正獻官一員分獻官四員

先期散齋二日致齋一日習儀省牲視祭品宿於祭所

及期陳設計用執事諸生讀祝一人通贊二人引贊十

人拂拭七人陳設十一人撤饌十一人監宰二人瘞毛

血七人奉帛執爵各九人接帛爵十八人司盥洗三人
司尊司樂各一人司班次二人司文榜一人司香燭六
人飲福受胙四人司播三人集禧一人司滌祭器二人
樂生麾幡一人敎一人琴六人瑟二人鐘一人磬一人
塤箎鼗箛各二人管簫笛笙各六人搏拊二人應鼓一
人工歌六人舞生三十八人執節二人佾三十六人
敬聖祭品同文廟四配配位同兩廡至期先詣廟行禮取
不先父食之義

祭器舊無一存康熙辛酉學道田雯行文令無爲州學
正史逸孫置高爵四十八籩豆一百四十四帛匣十箇
年久殘壞無存雍正十二年知府徐大枚合肥縣趙良

續修廬州府志

卷十七

學校志

十五

聖戴昕令生員傅國佐捐置銅犧尊象尊雷尊香鼎各
一座銅簋簋各二銅坫一盆一爵三十八大錫鑪一座
大錫臺一對大錫瓶一對中錫臺四對小錫鑪四箇錫
簋四十錫簋四十二錫釶十四錫圓洗一錫方壘一錫
盞一錫罇五乾隆二十八年知府王宸捐置錫爵六十
後復殘缺嘉慶七年知府張祥雲捐俸令府學教授陳
略監製黃緞幔一頂黃絹幔四頂黃布卓圍一條大供
卓八張竹籩一百五十箇木豆一百五十箇帛盒七箇
錫簋簋釶各二器燭臺八對香鑪八座其餘殘壞者逐
一修整如新存備春秋二季之用

嘉慶志

樂器舊存惟有編鐘嘉慶七年知府張祥雲增置

符節二 應鼓一 編磬十六 金鐘一 玉磬一
鼗鼓二 搏拊鼓二 敔一 祝一 琴六 瑟二
排簫二 鳳簫二 匏笙二 壎四 篪二 雙管二
笛二 簫翟三十六 龍旗二 龍傘一 龍旛二

龍扇二

龍幢二

麾旛二

嘉慶志

自咸豐癸丑年兵燹後所有祭器樂器概毀無存光緒四年合肥邑紳今福建陸路提督唐定奎捐貲屬舉人宣紫詔范彥瀛往蘇省購辦一切器具聘請蘇省樂舞師文生沈錦垣舉人吳蔭培文生沈錦埏文生杜英來廬設中和局教習經前署府王績懋督同府學教授呂賢楨訓導金昆考選樂舞生九十一名送局學習復經

續修廬州府志

卷十七

學校志

六

今知府黃雲督演五月告成每丁祭前一日親率屬員詳視演習又爲具册申詳各大憲立案並詳准學院樂舞生中有文生科試考三等者免考錄遺一體鄉試有文童文理清順者免應府縣考由府學教官具册送院以循生應試且爲定奎子治隆詳請議敘於明倫堂後倚府學署左右各建祭器庫二間分存祭器樂器各件歸兩學官分管其器學官交卸時會同中和局紳照簿查交各件凡購器價值建庫工料延師修金設局薪水等費皆係唐定奎捐備六年夏定奎又捐中和局善後銀湘平五千兩除於福星祠左邊蓋厨屋二間添置卓凳等件買北鄉白塔後糾藤田秧三十四石西鄉十里

廟田種十九石六斗西鄉井岡埠田秧十二石淨存湘平銀二千七百兩存商生息每年田租銀利均歸中和局收存以供丁祭辦理樂舞修補殘缺之費董其事者舉人宣紫詔范彥瀛前黟縣教諭沈廣用候選訓導范彥緒廩生徐良輔廩生蔡文炳文童焦章澍同辦其所購祭器樂器及一切物件詳列於後實置中和局田租亦附詳學田後

巡撫盧士杰奏摺據合肥縣紳士前選甯國縣訓導沈用熙等聯名稟稱廬州府學文廟兵燹後及時修理禮樂尚未完備經合肥縣紳福建陸路提督唐定奎於光緒三年獨力捐辦祭器樂器照額設原數備齊共需銀二千六百兩四年復行捐資延請素諳音律教師設局教習由府考取樂舞生童送往就學以次告成共用銀三千七百八十八兩六年續捐善後銀五千兩置產生息以充每年春秋丁祭招集樂舞演習執事之費統計

續修廬州府志

卷十七

學校志

十七

前後共捐湘平銀一萬一千三百八十兩折實庫平銀一萬九百二十餘兩為數甚鉅其尊崇學校之忱非尋常善行可比雖據該提督聲稱不敢仰邀獎敘究不忍沒其義舉稟請移獎該提督姪孫文童唐理賢以昭鼓勵等情造具清冊甘結呈府查驗相符稟司核明詳請奏獎前來臣伏查各省紳商捐修文廟考棚至數千兩以上者均經奏荷恩施飭部議獎有案今合肥縣紳前福建陸路提督唐定奎於廬州府學文廟獨捐鉅款購辦祭樂各器教習樂舞生童並置備善後經費共計合庫平銀一萬九百餘兩之多實屬重學尊師有裨文教該紳士等稟請移獎該提督姪孫文童唐理賢之處核與捐辦要工請獎成案事同一律合無仰懇天恩飭部核議給予職銜以示獎勵出自鴻慈除冊結咨部查核外謹會同兩江總督臣曾國荃安徽學政臣徐

郝附片具陳

捐置祭器數目

- 銅劍十八
- 銅簠三十六
- 銅簋三十六
- 竹籩一百
- 木豆一百二十
- 蓋全
- 銅爵一百
- 銅尊九

銅勺九 木香盤十八 竹籠十八全蓋 木俎盤俎架

十有俎架 銅登一 銅茅沙池一 銅洗一 銅鑪

一 銅鐙一預備木燭 祝案一 祝文版一 香案

一有案 尊案二大成殿 送神梯一 鐵燎爐一有架

鐵庭燎六 壘一

續捐祭器樂器數目

銅十四 簋二十六 簋二十六 尊九 勺十一

爵一百三十 籩七十 豆七十 木燭千十五 應

鼓一 應鼓架上蓋一 應鼓架蓋上朱頂一 應鼓

架蓋頂上鸞一 應鼓架蓋上龍頭四 應鼓架蓋上

壓梁四 應鼓架正柱一 應鼓架正柱中託雲四

續修廬州府志 卷十七 學校志

應鼓架四足跌一 應鼓架正柱下瓶座一 應鼓架

跌上欄杆垣內青獅四 應鼓架黃緞雲龍圍一存排鬚箱

應鼓蓋上龍嘴排鬚四 應鼓腰排鬚四 應鼓蓋

頂上鸞嘴排鬚一 足鼓一 足鼓架上蓋一 足鼓

架蓋上朱頂一 足鼓架蓋頂上鸞一 足鼓架蓋上

龍頭四 足鼓架蓋上壓梁四 足鼓架正柱一 足

鼓架正柱中託雲一 足鼓架四足跌一 足鼓架正

柱下瓶座一 足鼓架跌上欄杆十二 足鼓架跌上

欄杆垣內青獅四 足鼓架黃緞雲龍圍一存排鬚箱 足

鼓蓋上龍嘴排鬚四 足鼓腰排鬚四 足鼓蓋頂上

鸞嘴排鬚一 編鐘十六銅鉤全 編鐘虛一縱曰虛卽架中直柱

編鐘架上篋橫曰篋 編鐘架上篋上龍頭一 編鐘

架上篋上鸞五 編鐘架中篋一 編鐘架中篋上業

一俗名龍板闊八寸 編鐘架下篋上業一寸闊三寸 編鐘架處

下跌一 編鐘架處下跌上欄杆八 編鐘架處下跌

上欄杆垣內青獅一 編鐘架上篋上龍嘴排鬚五

編鐘架上篋上龍頭排鬚二 編磬十六銅鈎全每

編磬處一縱曰處卽架中直柱 編磬架上篋一橫曰篋 編磬架

上篋上鳳頭一 編磬架上篋上鸞五 編磬架中篋

一 編磬架中篋上業一寸俗名龍板闊八寸 編磬架下篋一

編磬架下篋上業一寸闊三寸 編磬架處下跌一 編

磬架處下跌上欄杆八 編磬架處下跌上欄杆垣內

續修廬州府志 卷十七 學校志 九

白鳧一 編磬架上篋上鸞嘴排鬚五 編磬架上篋

上鳳頭排鬚二 夾鐘罇鐘一懸有銅鈎與南呂罇鐘通用 夾鐘

罇鐘處一對 夾鐘罇鐘上篋一件有龍頭 夾鐘罇鐘

上篋上鸞一件 夾鐘罇鐘中篋一件所以懸鐘 夾鐘罇

鐘中篋上業一件卽小龍板 夾鐘罇鐘承處青獅一對

夾鐘罇鐘承處跌一對 夾鐘罇鐘左右跌上欄杆八

片 夾鐘罇鐘承跌凡二隻 夾鐘罇鐘上篋上龍口

排鬚一掛 夾鐘罇鐘上篋上龍口排鬚二掛 夾鐘

罇鐘極一箇與南呂罇鐘通用 南呂罇鐘一懸有銅鈎與火鐘罇鐘通用

南呂罇鐘處一對 南呂罇鐘上篋一件有龍頭 南

呂罇鐘上篋上鸞一隻 南呂罇鐘中篋一件所以懸鐘

南呂鈔鐘中篋上業一件即小龍板 南呂鈔鐘承虞青獅

一對 南呂鈔鐘承虞跌一對 南呂鈔鐘左右跌上

欄杆八片 南呂鈔鐘承跌几一件 南呂鈔鐘上篋

上鸞口排鬚一掛 南呂鈔鐘上篋上兩龍口排鬚二

掛 南呂鈔鐘種一箇與夾鐘鈔鐘通用 夾鐘特磬一懸有銅

鈎與南呂特磬通用 夾鐘特磬虛二件 夾鐘特磬上篋一件

有鳳頭 夾鐘特磬上篋上鸞一隻 夾鐘特磬中篋一

件所以懸磬 夾鐘特磬中篋上業一件即小鳳板 夾鐘特磬

承虞白鳧一對 夾鐘特磬承虞跌 夾鐘特磬左右

跌上欄杆八片 夾鐘特磬承跌几一對 夾鐘特磬

上篋上鸞口排鬚一掛 夾鐘特磬上篋上兩鳳嘴排

續修廬州府志

卷十七

學校志

二十

鬚二掛 夾鐘特磬一箇與編磬通用 南呂特磬一懸有銅

鈎與夾鐘特磬通用 南呂特磬虛一對 南呂特磬上篋一件

有鳳頭 南呂特磬上篋上鸞一隻 南呂特磬中篋一

件所以懸磬 南呂特磬中篋上業一件即小鳳板 南呂特磬

承虞白鳧一對 南呂特磬承虞跌一對 南呂特磬

左右跌上欄杆八片 南呂特磬承跌几一件 南呂

特磬上篋上鸞口排鬚一掛 南呂特磬上篋上兩鳳

嘴排鬚一掛 南呂特磬種一箇與編磬通用 祝一 祝

跌一 祝跌上欄杆四 祝止一柄即榘子存 敵一

敵跌一 敵跌上欄杆四 篲一柄即櫟敵之帚存

琴一對存樂器厨內 琴几一 瑟一存樂器厨內 瑟架二

笙三每隻有鬚兩匏底四 笛九龍頭龍尾祭用四枝有鬚預備五枝

均存樂器厨內 壘三存樂器厨內 簾九祭用二枝有鬚預備

簫六祭用四枝有鬚預備二枝均存厨內 排簫二每具二鬚存厨內 笙簫笛

壘簾排簫架一對 笙簫笛壘簾排簫架上排鬚十六

每架兩旁龍頭二長掛前後龍頭六短掛 搏拊一 搏拊跌一 搏拊跌

上欄杆八片 鼗鼓一 鼗鼓架一 又編磬十六未

金平時 又夾鐘特磬一平時演習用 又南呂特鐘一平時

演習用 大成鼓極一 大成鐘極一 樂器厨一座橫門

上有銅鎖 麾一對黃緞繡龍存 麾竿一對每竿上有龍頭一箇存厨內

內 麾架一對 節旄一五色鬚附存 節竿一對每

上有龍頭一箇存樂器厨內 節架一對 羽三十六存樂器厨內 羽

續修廬州府志 卷十七 學校志

三

柄三十六每根有龍頭存樂器厨內 籥三十六存樂器厨內 羽籥架

一對 冬夏朝冠一百六十頂 披肩八十件 襴衫

八十件每件有品級繩 扣帶八十根存襴衫箱內 朝鞞八十雙

新白皮箱二隻盛排鬚盛 盛編磬箱一對有銅鎖

披肩箱一隻 朝鞞箱一對一竹木 冬夏朝冠箱二對

二大 樂台上布棚一件 舞生拜墊三十六 布棚

二小 拜墊箱一隻 欄杆箱長短共一百五十一件 笛龍頭尾附一

隻 笏六片 直省釋奠禮樂記一部 應鼓足鼓 排鬚共

十六掛上四掛八節 下四掛六節 編鐘排鬚共四掛每掛八節 夾鐘

南呂 排鬚共四掛每掛八節 夾鐘特磬排鬚共四掛每掛八節

鸞嘴 排鬚共二十掛每掛八節 笛笙簾簫掛簫排

鬚共二十掛每掛一節 月台上高凳一對 襴衫箱架一隻 披肩箱架一隻 冬朝冠箱凳一對 夏朝冠箱凳一對 朝鞞箱凳一對 月台上布棚拜墊箱凳一對

對

教習樂舞章程一教師宜敬禮也所有肄業各生由府考選親送開學聽樂師因材器使無論年之長幼均須悉心聽受誠信無違倘有玩不率教者准執管人隨時稟請更換樂生除以文生補入外則於舞生中順案序齒提補抑或因材超補亦可舞生則於備取中挨次提補應補之人如遠館鄉居以及不在城不應傳之人即另行挨次提補諸生務謹遵樂師訓誨以收實效一肄業宜勤慎也樂舞諸人均宜親身到局學習精工不可冒名頂替分爲四班一日一班輪流傳習統計一月中每人只傳七次加以合演不過十次今與諸生約隨到不准延遲如家有事故必須先期自具手條載明緣由親身赴局報明方可但每月只准請假一次再則扣除薪水洋蚨一元三則扣除薪水洋蚨二元四次請假定將薪水全扣並行黜退並追繳以前所領之項如

續修廬州府志 卷十七 學校志 三

真有大故不能親到者只將薪水停止另派頂補日後仍可附樂舞生末以缺補充若任意不到及故違不到者初次罰扣薪水洋蚨二元再則薪水全扣並行黜退且追已領之項至合演日尤須全到諸生非有大故均當赴局學習不得藉事推辭違者罰與任意不到者同每逢傳日諸生宜飽餐而來俟樂師教畢命退乃退不得藉口午飯先行回家一禮器宜兼通也在局諸生有自願兼習者不妨隨時請教亦有易習之器如磨節祝敵搏拊大成鐘鼓應鼓等件習是器者必須兼習他器否則難易不均薪水必當有別惟兼習之器雖精臨祭之時仍宜就本習執事若所兼之器缺人則舍所本習移司兼習之器其本習另行遴補或有兩人同習一器者另考取名次在先者提補或擇其兼習尤精者補之亦可而應行輪補之人必隨時補足以昭畫一樂舞宜分班次也樂舞各生既經選定七十七人分派歌工六人笙六人笛簫各四人壎簾鳳簫麾節琴瑟各二人大成鐘大成鼓及應鼓各一人編鐘兼鐃編磬兼特磬亦各一人祝敵兼搏拊亦各一人舞生三十六人均由樂師酌定傳習樂歌六章文舞三成均一律分次遞教以期嫻熟一薪水宜分給也在局肄業之人俟來學一月後每人給薪水洋蚨三元飯食均由自備又不願兼習他器者每月給洋蚨二元飯食均由自備

按月給發年終停習時暫行上給以示樽節一演習
 宜整肅也教習地方除傳到諸生外不准閑人擅入
 昭鄭重也一樂器宜珍重也所備樂舞各器每日
 時由司局人取出應用學習諸生毋許任意搬動
 之後仍由司局人檢點收藏以防損壞
 定也現派門斗二名專司傳習諸生每名日給食
 一百四十二名看守局門並俟差遣每名日給食
 五角均按名給發以供驅使不准遠離違者重究
 經費均由唐軍門樂備辦概不開支別項公款
 工食均由申明也祭樂各器及教習束脩諸生薪水
 樂舞善後章程一禮樂祭器收儲庫內即歸府學
 若遇交卸必傳同樂董按冊點明移交後任出具
 並報府查核若有遺失及無故損壞即由該教習
 庶昭鄭重每年於丁祭前三日樂董向學官照數
 祭後二日樂董向學官照數收入限十日內學官
 查收歸庫如庫有穿漏難蔽風雨由學官查明即
 董隨時修葺毋稍延遲致誤重器一樂舞生有確
 游幕者須先稟明學官另舉身家清白無過之人
 取具互結由學考驗詳府備查其無故請退者概
 准即以游幕省親請假者一歲只准三人且其人
 事三年方准告退若數三人與執事未及三年其
 勢不

能報驗早為演習至其兄弟子姪之無過者代
 之無過者暫亦必早為演習於丁祭前五日送
 試不准來去自便一樂舞生有丁憂病故者須
 赴學稟報以憑該學另行選補服闋之後仍歸
 事准附正數之後俟補備一闕之後仍歸本位
 驗後自當學習樂舞其所教習者由公處給制錢
 文學習人亦給飯錢五文其為父兄暫行頂替
 給此費人亦一例載伯生定數三十六名外加
 疾病事故更替之用宜謹遵辦理一外加四名
 童生入學者毋庸開缺俟鄉試中及丁祭時亦
 例遵行一樂舞生屆丁祭前合演日及丁祭時
 奉傳不到或有事故不先期報明學師以致
 遲誤者由學官戒飭過期報明學師以致臨祭
 門斗通知各樂舞生毋論鄉城均宜登門面見
 不到者責在木生未經傳而不到者責在門面
 器係自行損壞者由樂董從善後公款中酌配
 一朝夕朝朝朝朝朝朝朝朝朝朝朝朝朝朝朝
 晒之物每祭後須晒一次給費錢一千二百文
 舞生每屆丁祭須先三日赴學投到其途間寓
 由公處給制錢一千三百文轎費制錢五百七十
 一禮生及執事生轎資與樂舞生同錢五百七十

祭前一合演公處用革素六筵便席無酒前二更時
 公處用入筵便席無酒祭後各給點心錢三十文
 助祭紳士禮生執事人祭前二更時公處用八筵便席
 無酒紳士禮生執事人祭前二更時公處用八筵便席
 轎費在內其錢於春秋祭後分給將祭時或司帳目或
 管樂舞器具或收發衣冠鞵帶或照料筵席均以六人
 司之或因事煩添一二其人幫辦每人給轎資錢五百七
 十文或一合演在明倫堂其口辦革素六筵便飯十六
 席祭前一合演在明倫堂又六筵飯食費錢三千文
 千文祭前一丁祭前後日樂董飯食費錢三千文
 演日丁祭前一丁祭前後日樂董飯食費錢三千文
 辛資錢四十一文合茶葉柴炭共費錢三千六百文
 月台上明倫堂與看守舞樂器共費用牛燭十五名每
 丁祭前三日以後二日共五日每日須僱夫六名每名每
 日給工錢一百四十文除合演日從公處給與兩餐外
 每日各給飯資錢八十文一丁祭前三日裝月台上
 棚架用木工四名拆架同每名工飯錢二百文
 祭前二日明倫堂裝樂器架木工二名前一日上月台
 上用松棚及裝樂器架木工二名拆架皆不用一丁祭
 前半年預辦晒乾一府學正副每丁祭後送席敬制
 錢各五千文門徵名五百文一學書辦祝文傳單及

續修廬州府志

卷十七 學校志

十五

申詳事件每祭給制錢一千二百文門斗傳催樂舞生
 禮生給事生每祭給錢二千四百文一學官處洗刷
 祭器拍送祭品每祭僱夫四名每名給錢一百四十文
 一每祭燈籠費錢八百文一各地保辦備桌凳賞錢二
 百文
 附錄各紳公稟四品銜翰林院典簿王尚辰候選教諭
 歲貢生沈用熙前署霍邱縣教諭殷錫恩前署青陽縣
 教諭梁建勳同知銜江蘇補用縣譚慶餘五品銜候選
 訓導張清沂五品銜候選知縣盛致忠知府銜山東候
 選同知張祖良舉人趙炳華虞恩需王承毅黃先綸盧
 錕楊昌言倪先庚劉傳蔭劉學謙闕綱龔心鑑宜紫詔
 范彥瀛貢生朱組紳范彥緒恩貢生戴昌曜廩生蔡文
 炳徐良輔楊寶樹蔡繼魁夏寅趙棟材文生成金南范
 彥唐袁崇謙前生焦章樹為禮樂告成稟請申詳事敬
 稟者竊維道隆前古昭麟書虹王之奇聖集大成備玉
 振金聲之體是以尼山祖豆閭百世而常新泗水聲靈
 振千秋而不墜漢唐宋元明以後盛朝之尊禮備
 加庠序校類璧之中鍾靈蜀山毓秀幸人文之代起仰
 金斗地界楚吳泚水劫煥紅羊鬻宮復起百尺門迤朱
 崔聖教之昌明十年劫煥紅羊鬻宮復起百尺門迤朱
 兩丁以外更朔望以行香固已崇聖維虔尊賢罔闕

矣惟所歉者夏瑚周簋器莫備於崇楹竹會絲廉聲未
傳於魯壁登廟堂而莫窺禮器游辟雍而罕聽鼓鐘既
百官之美富不昭即數切之宮牆寡色官民對越心殊
闕然厥有福建陸路提督唐定奎晉昌舊族肥邑清門
祭遵在軍厭干戈而欣俎豆卻穀爲將說禮樂而敦詩
書分清俸以起隆儀捐巨款而培黌舍簞簋豆籩之器
秩然可觀旌旄羽籥之文煥乎並燦前郡守王積懋出
示招考俯生郡學師銘選取八十一人備册在案延師
教習歷五月而成功善後籌資垂百年之繼册在案延師
以有事爲榮備官者以數典無缺蘋筐藻管釋菜增榮
石擊球鳴崇蘭譜詠罔不景聖靈於髮髯亦皆對宮
廟而肅離惟是事歷久長易致鐘蠡而器藏物關典禮
尤當鏤版而銘書春秋桂春椒鈴以官憑則魯芹泮藻中
琴小瑟載之案牘則陳寶赤刀爲此公懇公祖大人將
此禮樂器數暨考取樂舞生名數逐加查驗備案申
詳庶幾鉅典煌煌借表章而益顯大猷秩秩經上達而
彌光謹稟知府黃雲批本郡學宮前經兵燹嗣以各紳
之捐建重瞻廟貌以維新但宮牆雖崇美富之觀而禮
樂宜復休明之盛福建陸路提督唐軍門慨捐清俸籌
立崇規仿圖式於成均鼎彝煥采備聲容於庠序鐘鼓
和音足見勵賢崇化之心胥本說禮敦詩之澤梓桑著
望芹藻流馨本府忝守名邦欣逢盛舉每肅恭而將事

續修廬州府志

卷十七

學校志

三

深欽佩以服膺惟是事甫創垂宜籌久遠識大識小責
有專司書策書方必先簿正庶代遠年湮之後免鐘蠡
器窳之虞該紳等公議章程具臻妥善除一面行造册
逐加點驗外卽候通詳立案遵守從此家絃戶誦益彰
獨山合水之輝庶幾食德服疇同沐稽古右
文之化光茲盛典蔚爲國華本府有厚望焉

尊經閣上下各五間壁嵌唐十八學士像石刻閣立本

畫明人摹本

明倫堂五間東西遵設禮部榜示生員臥碑

國朝順治年間碑文

一生員之家父母賢智者子當受教父母愚魯或有非
爲者子既讀書明理當再三懇告使父母不陷於危亡
一生員立志當學爲忠臣清官書史所載忠清事蹟務
須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻則讀書必無成就爲官必取禍患行害人

之事往往自殺其身常宜思省
一生員不可干求官長交結勢要希圖進身若果心善德全上天知之必加以福

一生員當愛身忍性凡有各官衙門不可輕入卽切已之事止許家人代告不許干預他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄爲辨難爲師者亦當盡心教訓毋致怠惰

一軍民一切利病不許生員上書陳言如有一言建白

以違制論黜革治罪

一生員不許糾黨多人立盟結社把持官府武斷鄉曲

所作文字不許妄行刊刻違者交提調官治罪

教授署在明倫堂東三重三楹同治四年重建

訓導署在明倫堂東三重三楹同治四年重建

宋趙璠老廬州府新學碑乾道癸巳夏五月璠老假守山陽郡歸旨恩爲尚書郎會兩淮復分帥上命行淮西事合肥郡引辭便殿上宣諭淮帥比更民不堪命往其奉揚安靜之風餘應在所後璠老受命疾馳以七月上澣到郡謁先聖先師於學敗屋幾椽揭榜爲位贊者揖拜其下月朔上行釋奠禮視器陳蓋陋升降幾無爲容退合郡寮暨學之師生問廢置狀成曰郡自唐會昌廟學鼎盛迄紹興隆興一再壞於戎馬後帥以迂闊不益武備固弗爲欲爲而弗久者亦不竟若有待焉璠老曰嘻有是乎昔晉士蔞以禮樂慈愛爲戰之蓄楚申

叔以德刑詳義禮信為戰之器先儒謂使民遜事樂和
 愛親哀懼而後可用生厚而德正用利而事節時順而
 物成戰必以克二者非學不能故齊小白驟與以兵搜
 諸侯魯僖公趨舍獨異及考服淮夷之詩頌其能修泮
 宮聖人亦與其無事能養勝表而繫之然則非武備乎
 矧天子以安靜屬我其為慮父兄修明其政固陋
 之恥眾雖拱立聽命顧郡政不常公私弊於取予必能
 斥無益更服儒儉乃濟愛齊量出入持以堅忍慙一時
 而後吏卒有當俸始日夜營度嗣歲改元清熙虜騎橫
 至喜亂之說將已動搖邊情士大夫亦不根持論天子
 明見萬里疇昔之訓常在定民志以消姦慝此其時也
 乃下令禁妄議邊者即日鳩材庀工分命鼓率一切主
 辦於官而民不知以二月癸亥經始七月庚子告成計
 為屋四十九楹垣墉外峻堂殿屹立階序門屏齋廚庖
 溷罔不具備中嚴象貌醜從祭陳如典禮他亦稱是又
 取邦之先烈馬忠肅包孝肅二公像祀於翼室揭示所
 當學俾君子砥礪愛身以有待養身以有為小人動化
 安生固本知教而願死其上戎馬之跡蓋將削於吾國
 矣礪老不學聞於治體上過聽俾臨其民方一時壽張
 為幻輒違俗如此不自意幸媪今日之安凡民幸益覩
 信似未為甚迂闊也與時易以賢帥增益所不能文德
 遠暢銷患於未萌然後知吾先聖之道與天地元氣相

磅礪曲成萬物而不遺礪老汲汲於廟學實本明天子
 安靜之訓庶幾乎其不朽也邦人既願紀歲月遂書以
 為新學記云
 宋阮堯廬州府重建學記合肥為學舊矣中興以來百
 餘年間賢帥守後先相望作新振起非無其人一新於
 乾道癸巳再新於開禧乙丑旋即傾圮嘉定壬午冬十
 有二月令帥翟公來顧是學宮既然與嗟進諸生語之
 曰聖上長駕遠馭元宰深謀密運豈但令吾與虜角智
 力於籬籬尺寸間斯斬為白保計哉方將推廣吾中國
 聲名以復還祖之盛禮樂教化之美一洗河洛腥羶百
 恥以復還祖之盛禮樂教化之美一洗河洛腥羶百年之
 不名之務而忽之耶吾將崇大爾先聖之宮拓闢爾肆
 業之所使輸與一新上下益勵以仰副今日復古之意
 爾其有以承我志乎諸生曰唯唯於是會羸虛為鳩工
 計則又以承我志乎諸生曰唯唯於是會羸虛為鳩工
 不暇給幸前帥趙公用多有所隸凡百調度取辦如舊力
 去公實繼之乃益以戎司之帑為數且倍於前曾不少
 靳首營先聖宮廟高廣宏麗跨越舊規材堅工良既乃
 遷稽古閣於直廬後崇基傑棟雄峙一隅次闢門廡以
 及齋序祠祭有館庖廩有所視昔皆增廣焉既登馨饗
 黝聖丹漆由中達外一撤而新之經始於癸未之六月
 落成於甲申之首夏為屋二百二十有四楹糜錢一千

三百萬米石五百舊有大成殿榜作古籀體公親書四
字易之筆勢飛動揭寘惻同與殿斯稱始經營時胡君
巖成於前而人而懼諸石俾來者知我輩公於戎務倥偬
而次第其規為志慮宏遠若此豈徒勸士木事觀美為目
之時其哉公名朝宗字叔海官為武德大夫忠州團練
使建康軍都統制兼知廬淮西安撫副使
開李安重修廬州廟學記郡有學制也廬州郡學廢興
相尋幾矣宋趙礪老孝忠乾道末帥淮西當戎馬擾攘
之餘知所先務重建廟學刻文於碑至於今頌之不忘
矧今郡在畿內稱為富庶教化之所被及視天下必先
焉歲月既久之土木敝壞為政者急簿書期會謂若迂闊
可緩不加之意幾何不至於隕也哉蜀西充馬君金
以刑部員外郎來通判郡事再遷而為太守莅政數年
政通人和上下信之乃興舉廢墜而首於學自大成殿
從祀兩廡列戟楹星二門至於泮橋路表咸撤而新之
尊經有閣明倫有堂師生有居而游息有所凡學之所
當有者無不葺治而完美焉經始於宏治辛酉三月又
明年九月而落成於是士之挾經來遊者皆欣然動色
相勸於為學爭相磨濯奮發以稱郡守作興之盛心雖

續修廬州府志

卷十七

學校志

三

然吾將有以告之國家立學以育才而取之於科目豈
徒為遠近之觀美與其人之榮利也哉蓋必有望而期
之者矣窮經以致用修己以治人此日之學他日之行
也游於斯者觀夫廟學之新且完美也反而求諸其心
於窮理修己能日新乎能完美而無缺乎斯其當以自
警也斯其所以為學也斯立德立功而垂不朽之本原
也郡守汲汲廟學之心諸弟子庶幾其無負也哉教授
孫佐賢其同僚以修建始末來請余為記合肥令孫紘
又申請之與馬君同舉進士而獲從君之尊公今少
宗伯良佐於翰林喜君之為政有成其章著者如此可
嘉也是為記
明王偉廬州府增修廟學記太守下車之日當謁文
廟為禮升明倫堂聽講諸生率以所稔習庸近之業應
名以進太守無所是非首肯曰勉之諸生各頓首謝教
而退勤者朔望率如故事學業之成廢行履之淑慝漫
不加省嗚呼師帥之職審如是乎哉今廬州太守龍公
來蒞郡進師於堂而諭之曰凡我二三子之從事於
庠序者將委蛇容與與矜佩之曰凡我二三子之從事於
咀饜飲沾詩書之腴以澤其體膚乎將澳涖汨沒竊膳
廩生之入以飽其妻子乎抑沈浸淳涵入聖賢之室以
無忝於青陽大蜀之靈秀乎將因循遲迴沿歲月之恆
以自老於鉛槧乎抑慷慨振奮期行其所學以贊聖天

子之盛美乎衆皆曰不敏敢不祇命於是躬率諸生口授疑義問辨切劘務求要領蓋有出於科舉文字之外者洗揚淬勵以革其故提撕鞭策以勵其成旌別優恤以勸其進學者感悅惇惇然惟恐不及人人自以爲得所師矣乃諗諸少府傅君南喬判府歐陽君嵩蕭君子良推府張君全節曰明珠之良不繫乎積而美積者以爲珠重良工之勤不必於肆而居肆者以爲工資廬之廟學毀圯弗葺非所以崇儒雅而飾至治也蓋舉而新之可乎皆忻然從命於是鳩材庀工卜日而舉乃簡屬吏之賢以教授宋君希睿董其役殿廡門堂齋居號室各有重輕先後就緒廉宇森整象設巍煥增庖備器問有遺缺經始於正德辛卯秋仲明年春季告成希睿乃謀之訓導岳君清彭君鏞劉君景曰南陽橫舍成成都學宮不有紀述何以詔後乃因貢士張標等以書幣走京師而以記屬於偉嘗被命提學河南廬與汝相密邇公之政教稔聞之以風勵郡邑獨不知所以善誘於諸生者何道也夫道學之暢明敷達於天下也久矣而奚疑於是哉特以近世學者以明心見性爲要言語文字爲煩直趨徑造爲速而或病於朱子之學爲未足以發明洙泗伊洛之旨其爲論說精神亦能有所感發四方之士負聰明偉大不羣之才者翕然起而宗之將以學問爲估畢之陋遂盡暴棄而不之講也豈不悖哉偉嘗

續修廬州府志

卷十七

學校志

三

考之白鹿楣間之揭皆取諸孔門遠論非考亭所創也請以是揭諸堂齋之右俾聰明偉大不羣之士有所折衷何如旣敎公之成績而於末也以是訊之公名詒長沙之攸縣人由正德戊辰進士尚書戶部郎中晉今秩恩宣德流百廢具舉興學其一端耳明寶子偁廬州府重修廟學記廬國於斗間枕蜀帶淝湖山精氣蔚爲人文故不乏何今寥寥帝鄉三百里而近詩書棧樸之教漸摩豐鎬謂從龍名世者五百年爲盛而待興則爾哉郡人士慨然有起心以告司牧者數十年於茲矣屬郡伯馮公來守天之所以闢斯文也至則朝夫子廟一顧頽然興歎捐俸重修及東西廡啟聖公祠飭俎豆理金石舞佾生之弗嫻於節者簡而習之以爲不肅不備其何以昭誠敬而格神明乎已乃明倫堂尊經閣五博士齋諸生講業之所分工鳩役旦夕省試不期月而已成學後培土累台山建凌霄亭此其故可思也偏左掘數十餘丈下形家忌之宮牆一缺陷事及今始平敬一箴亭新而題其坊曰顛後尊帝訓行近光意蓋切云射圃之地樹木踰千爲槐爲桃李爲松柏風吹雨化入寒不凋比杏壇焉環橋來觀甲於江淮諸生請爲記以示永永余惟甚何足承雖然望此舉數十以學發身報本則尊聖爲國則育才釋菜之宮忍在草

莽青鳥家言幹旋地運取精奎璧為譽髦規是皆有關
 於世教而或不善任使用非其數繪飾塗暨終不可以
 久公承祭自盟有言百工居肆以成其事學則士肆義路
 之義昔子夏有言百工居肆以成其事學則士肆義路
 也禮門也羣而居者上為經明行修則士事由是路出
 入是門也成而用之者士各自為政我太祖高皇帝游
 心太古獨尊孔氏春秋崇報特祀於學宮令誦法者見
 夫子以見朝廷修造之心臥碑通訓並四書五經而三
 之鐸醒羣迷廣延茂俊夫豈臆域之餽飽之而糜之以
 利祿之途莫重於科第莫於於狀元鄉祀馬忠肅公尚
 矣包虞部令儀未聞彪炳而其子待制曰龍圖曰閣羅
 包老聲施華夷即今而問孔門七十子恆人不知也公
 何以得此於千萬年夫士亦自樹耳莫之為者天而莫
 之致者命故患所以立難於位斯未能信不而必仕
 而為仕重不則身負儒名談說仁義浮沈無補而倖富
 貴以驕人此乃孝肅公所羞也古之君子過門必式過
 廟必趨一舉足而心存焉今將為桃李之華乎抑歲寒
 松柏乎栽培若此勿拜而可矣是役也堅而固計可長
 久公蓋擇粹尉之里居者參之賢士若而人姓名勞勤
 與學基舊界附碑陰公名聖世合江人同知賈名熙載
 雜澤人捕廳鄒名起譽茂名人糧廳柴名芳博野人推
 官林名日煊詔安人合肥人胡名震亨海鹽人並有贊

修功

明葉逢春重建廬州府學文昌閣並啟聖祠記廬陽郡
 學故多登進俊又自嘉靖戊午來則寥寥矣金谿聶公
 持憲於穎顧謂斯學之青龍未培而東壁未通也特於
 寅甲之方建樓一所而高其門名曰興文其意為文筆
 在東假此以迎其秀又令青龍嶺為堪輿家所忌而寥寥
 流官而又不復致洩氣以此兩者為堪輿家所忌而寥寥
 若故也不佞守廬之二年蓋因尊經閣之卑而增培其
 柱石明倫堂之陋而恢廣其楹宇庶幾士氣駸駸振揚
 人人自以為登壇三年羣弟子員又請易樓於辰巽所
 更增建二祠文昌星於上茲閣在廟貌左前既衛吾夫
 子宮牆而迎青壁之秀且流殺靡犯而瑞氣包藏無洩
 斯亦得堪輿真脈矣日督博士程羣子弟於中而較之
 藝此所謂地靈而人傑自是眞材輩出詎可量耶不佞
 樂觀厥成語諸弟子員曰夫傳經草元特文士爾進而
 點之浴沂顏之為邦夫非有道之徒與故願二三子之
 裁也第以科第而巳焉者又非不佞所足望於二三子
 者也功始於萬歷九年登高之日而竣於履長之候天
 時地利兼之矣至破聖祠故逼近元武座阜今稍徙之
 前數十武又從而加葺高廣焉益土以培其阜而蒔木
 於上則學宮左右前後且犁然改觀煥然易構所以起
 數十年之頽運者端有在也

明謝鐸廬州府學尊經閣記廬州府知府西蜀馬君金
 吾僚友翰林侍讀學士良佐先生之也既為知府之
 明年政成民安百廢具舉乃大修廟學先大成殿次兩
 廡次戟門次櫺星門次明倫堂次庖廡之先所以及道
 坊牌之標表凡故閣之所有悉具而學正鏞如南雍東
 之於尊經有閣成造六安戴學正鏞如南雍東西
 書樓悉市版本所有閣成造六安戴學正鏞如南雍東
 學正今遷南京國子助教又以蓋亦亡慮數十萬卷矣
 俊之意來請予為閣記且曰經備矣尊之於乎淺薄衰
 矣獨諸生未知所以為吾國大學諸生告何於子乎
 病甚方愧無以道之大原雖出於天而窮不有文以載
 及是哉然竊聞之吾身有盡而道無窮不有文以載
 實在於聖人聖人為身有盡而道無窮不有文以載
 之以為繼之具何以為漏天下後世於是為之春秋以
 陰陽為之書以紀政事為之詩以理性情為之春秋以
 示褒貶為之禮以正行為之樂以和心聖人之教至是
 亦可謂無餘蘊矣聖人既沒而諸子競作則又各以其
 所見者著為論說謂之諸史於是世之往見之述作以
 官以紀時事謂之諸史於是世之往見之述作以
 凡其有得於見聞之感觸者則又往往見之述作以
 一家之言皆所以羽翼經傳參定子史以求自造乎
 世立教之地然載籍至是蓋已不勝其多而尊經之閣

將有不得而容者矣雖然上之天道之幽微下之人事
 之變革以至度數之雜錢穀兵甲之繁皆吾之度內有
 不可得而精相者苟非參考而博求之則固無以體其
 全而究其極也若曰所求於天者不越記誦訓誥詞章
 之閒以釣聲名課利祿而已則奚以下之書愈多而理愈
 昧學者之事愈勤而心愈放亦奚以多為哉噫此考亭
 朱子之訓吾徒所當世守以法家者感焉作尊經閣記
 之學雖六經亦贅疣耳予於是重有感焉作尊經閣記
 明朱鏞儒學題名記國家治化丕冒海隅與覆載元氣
 相遠邁自京畿達於四方萬國絃誦之聲洋洋盈耳中
 外善人才之盛豈無所自而爾哉周子曰師道立則善
 多在江表春秋為吳楚邊幅唐宋多故判為僻壤入我
 方遂為畿甸三輔而聲教文物之盛與鄒魯軋士之樂
 育於光天化日之下者亦何其有遺哉著令兩畿學校
 特命文德望風紀之臣實網維之弟倡文風不彭公
 最廬陵孫公鼎以德行文藝為士第與人耳目不可塗
 敦龐稱上所以隆化育賢之意著在輿人耳目不可塗
 也肆惟今上躬親化育賢之意著在輿人耳目不可塗
 史天台程公選來董學政公受命惟謹嚴立條教申德
 行文鳴呼上之注意斯文並進成天焉以端本澄源為急
 先務

光揚德意所在一以格致誠正修齊治平為教真知所
 先後哉詩曰思皇多士生此王國又曰周王壽考遐不
 作人其斯之謂歟故事士之發身科目第奮庸於時者咸
 得勒名於石樹之學宮垂示永久匪曰觀美章教也後
 之來遊來歌於斯者將指而議之曰其也忠某也孝某
 也回某也佞循名而責實善惡攸分勸懲斯在孰不悚
 然知所省哉邦有先正曰包孝肅公馬忠肅公余忠宣
 公皆夫人也昔之自期者願學孔子矧其次者哉鏞也
 忝與郡寄有斯文之義因敢推原孔子矧其次者哉鏞也
 詳著篇端用為斯文之義因敢推原孔子矧其次者哉鏞也
 以來得若干人列序其左虛右力者警焉採摭自洪武初
 明高節重慶州府儒學鄉舉題名碑記後與賢者能者以
 而三公與焉重慶州府儒學鄉舉題名碑記後與賢者能者以
 拜受之登於天府蓋王國之維楨而所實於王也王敬再
 以治安無疆於今為烈濟濟多士爰亦有辭於永世休
 茲盛美書用識哉國三家德禮養士經學之作人秉憲文臣
 祇命勸率猶諸周之三物勤施鄉大夫之教令也而廬
 郡密邇京畿濡化尤敏賢序之彥德稱言揚蓋肇科於
 洪武甲子式至今日令名錄薦猶刻貞石重之也其立
 石必於學者則以育才惟學是後傑之淵林而達行之
 本始也故石刻制近狹隘未稱隆規自正德己卯而後

闕然不能備書殫紀尚非所以崇樹民瞻廣闡賢路之
 義也茲雍熙姤會帝德敷文作率督視繼有明德化浹
 道洽風動聲應吾知自今之益多才也而非巨珉崇表
 豈可勝述哉爰令改為肆列哲虛其右方以待來彥
 嗚呼勒名馳譽孰不為榮然庶士尚慎旃哉夫使英
 聲茂實相待而成德孚於常世烈炳乎後人則名之在
 斯不鮮可掩也為名辱則名之在斯亦不可掩也君若乃
 庭毀鮮有終則名之在斯亦不可掩也君若乃家修
 開然矣是為名辱則名之在斯亦不可掩也君若乃家修
 之所為戚也夫臧則榮否臧則辱其爾眾士懋戒哉余
 忝長方郡職分理知事者在旌淑是以急於先務而善
 圖不朽俾於斯舉有光則二雅意同然信吾言之可徵也
 遂庸作記公若川孫公慎雅意同然信吾言之可徵也
 明蔡悉廬州府學奎樓碑記廬州府學在治之東北右
 枕蜀山左披湖水據一郡之勝第脈白西來山旋水折
 蟠颯東注而學基左勢稍不振形家類言宜昂其左以
 培風氣郡大夫張公蒞茲土顧學宮砥柱者久之因按
 行隱度謂名宦祠當學巽隅宜有文筆卽鳩工庀材聚
 石崇尋跨樓其上以奎名焉屬照磨顏欲藻董其役坊
 塤甃甃必堅且良棟栳成而公以楹疏厥費用不貲取
 給俸入佐之贖錢垂成而公以楹疏厥費用不貲取

子燭予記夫成周以三物造士而幽風七月詩亟為民
 生記公甫下車問民疾苦東南被水災發廩賑之惠老
 卹幼日不暇給是備其養以爲教地也嘗觀視成而鼓
 南敬業師行而受成籍而責訓之期革心以無傷雅化是易
 里中推埋輩成籍而責訓之期革心以無傷雅化是易
 其惡以廣教成也仁義忠信身懸之鵠而研討性宗窮
 極理粵不憚三復也仁義忠信身懸之鵠而研討性宗窮
 其文章務平正沖澹有宏闊風守郡必手校而面訂之
 諸生忻忻向茂如漢文翁宋孝肅元忠宣以賢我朝周
 吾廬風素朴茂如漢文翁宋孝肅元忠宣以賢我朝周
 忠愍若而公者皆以環奇之才標俊偉之烈又此固乞靈
 山川而尤上之璧文培植者深也公身爲大治又以地靈
 佐之光夫奎爲東壁文蔚起科名當啟圖書之祕分太乙
 之遺矣濡須濱大江鮪魚口爲郡東南水害衝公身臨
 塞之中道聞計歸雖苦次間猶以此與建樓未竟爲念
 噫思今天下有憂民愛士如公者乎故亟書以示來禋志
 去郡丞賈公別駕章公危公可理王公竣事於甲寅之孟
 夏尹胡公實克厥終者也法得備書張公澤州人諱
 肥尹胡公實克厥終者也法得備書張公澤州人諱
 光緒甲辰辰進士
 趙觀乙重修府學記宋儒謂孟子之功不在禹下豈非

以其守先待後有功於聖人哉有於聖人者而後內則服
 其道德外則崇其體貌當變亂衰熄之於聖人者而後內則服
 士有階可升有牆可循亦皆有功於聖人者而後內則服
 於聖則皆聖人之徒也廬郡凋殘久先師之廟荒毀及
 目先是守茲士者僅構中殿一楹丹雘未施櫺星門及
 階除兩廡屋數十間所位諸亭則鳥鼠縱橫百廢未舉
 倫一則庶牛羊踐履敬所以諸亭則鳥鼠縱橫百廢未舉
 我郡伯吳公甫蒞位三月奮然起而修復之公自謂凡
 人之情邀福者發願於浮屠之官畏禍者竭蹶於鬼神
 之宇維斯文在天地之靈謂非禍福所係委諸道旁殊不
 知自根自本之元氣端四方之是路是門之宗舍此安適
 吾將培一國之元氣端四方之是路是門之宗舍此安適
 望揮絃而理也然或云獨力難支將伯助予猶之築道
 左公捐俸矣或云鳩工率役吏中裝董之果蠹雀之腹
 矣公捐俸矣或云鳩工率役吏中裝董之果蠹雀之腹
 勤吏其籌工籛匠一準民聞常額厚發其子來之枕坊
 木一瓦不厭詳至數月間先成者兩廡也繼成者門亭
 也相次舉者中殿階址石砌也其堂與百代明倫其堂
 與諸僚肅衣致敬也工竣公致祭於廟召鄉人士登堂
 而後成幾千八百人資財而後備者一旦屹然巋然俾闔
 郡瞻仰斯文望風而樂道之謂非公之力不及此公真

有功於聖人真聖人之徒與
可辭以入悉指以理地方大
粟者也落成之後公依然盈
聖昔賢相對鄉人土烏能助
朽公諱允昇號賓亭奉天人
趙瓚重修儒學碑記我國家
孔子典禮優隆超越千古我
雍釋奠再幸闕里太學之內
下速府州縣學雖祠宇規撫
無殊致凡有守之士責者敢
廣教化稱見其庭階宏棟宇
謁既久廟圯瓦腐丹黝剝落
癸酉秋雨連旬殿宇滲漏西
東西北復損檐牙一角余瞿
氏審工計料約費七百金乃
倡與情翁然罔不響應因決
匠氏復進則外完而內盡成
其梁棟亦皆縱欲而橫折也
既與損敵悉顯悲僅補葺不
務此又善處原氏之九百

續修廬州府志

卷十七

善

估費且倍於前眾咸愕然懼是後之難
是以不可於中輟復檄告四屬牧令紳士咸樂爲助事遂
以集於六月是望日竣於臘月六日凡十有七旬費白金千
興於百兩尚餘餘費屬可瞻拜焉垣雖不增而基則
日安神位率僚屬而瞻拜焉垣雖不增而基則
加堅梁棟雖不增而瞻拜焉垣雖不增而基則
而工則加固繼自今體制尊嚴以享祀風雨除鳥鼠
去道廣厲學宮之至意是不可以享祀風雨除鳥鼠
重善述山東高密人王君士升以不記是役也令宰張
郡學博趙君元樞江蘇江陰人王君士升以不記是役也令宰張
先岸王先毅蔡卉鮑清州佐王嵩孳廖宏倫貢生李廉張
趙炯魯永宗梅壽黃思敏國學竇一桂廩生趙履中董
治其事均與有勞焉
黃本馴重修泮池記學宮爲作人重地片藻所聚泮水
流馨蓋人才所從出焉教肅觀瞻也辛丑冬衆紳士協
阻塞甚非所以尊聖教肅觀瞻也辛丑冬衆紳士協
力捐修踊躍從事街前重葺溝澗水道以通更從泮池
東瀆水溝以達外池無停積衢路肅清是舉也賴諸同
人相助爲理而鄉賓郭紀熙寶董其事不憚勤瘁旬月
告成余甚嘉其培植學宮之意鐫其事於石以誌不朽

云郡守張祥雲重修廬州府學碑記古學校之制天子曰
辟雍諸侯曰頴宮白虎通謂辟雍者象璧圓以法天雍者
壅之以水象教化流行頴則西南為水東北為牆其制
不同而其取於教化流行之義則一也故頴宮亦曰泮
水亦曰泮宮皆因其水以為名夫聖人不自起余己未春奉
觀其流泉即為後世術士相瘦之所自起余己未春奉
命守此邦甫下車即以興學為務數年以來春奉
舉廢墜爰周諮僚屬出清俸為倡修計合肥令左君輔
無為牧顧君浩舒城令熊君載陞廬江令魏君紹源巢
於魏君象彩各欣然捐俸贊成郡人聞之咸奮躍趨事
題雲路街以及崇聖祠明倫堂煥然一新中庭內外則
辟其蕪萊如貞石焉並移建名宦祠於奎樓之左鄉賢
祠亦葺而新之復考典禮購置祭器樂縣選士民之俊
秀者四十人為樂舞生習其事已乃令具畚鍤泮池
掘地三尺有清泉湧出其味佳美挹之不竭眾皆異之
爰發以石使區別於池余新輯廬郡志考方輿勝覽等
書歷覽山川形勢岡巒層抱土厚水深郡治據古澗山
掘井及泉必以數仞計而茲泉不及三尺獨滂然仰出
於池之中則觀其流泉是亦可徵聖人教化流行之效
矣其在易曰山下出泉蒙君子以果行育德又曰水洊

續修廬州府志

卷十七

學校志

三

至習坎君子以常德行習教事廬郡山川清淑士文民
淳率習教化而崇德行士生其間苟相勵於習坎蒙泉
將盈科而進仰稱聖天子涵育人才之心以無
負良有司化民成俗之意所謂用汲而並受其福也泉
之左舊有狀元井以宋馬忠肅公舉進士第一得名斯
泉之出豈非地靈兆瑞歟爰名之曰思樂泉余職司教
化於廬之多士有厚望焉是役也經始於嘉慶七年仲
秋落成於八年仲春教授陳君略訓導黃君騰驥督率
勤勞至朝夕襄贊者則趙君承烈謝生麟書黃生保泰
虞生廷瑾之力居多其捐輸成事者別勒石以誌之云
學中儲書兵燹致佚其目附後

學田

府縣兩學舊田二十八莊種二百餘石除低窪河崩拋
荒外實在成熟田地一百七十二石九斗二升每種一
石額納租銀二錢八分二釐七毫共納銀四十八兩八
錢八分三釐七毫俱在合肥縣徵收其田大圩莊姚埠

圩各九莊中下大圩二莊舊小等圩永豐圩各二莊張家圩王家圩趙恕圩後崗圩浪湖潑灘甄橋陳鼎新戶田坵陂寺田各一莊又一莊半係明嘉靖知縣潘恕天啟邑紳龔萃肅崇禎知府任大治順治按院衛貞元何可化前後撥置此載康熙志

府學現存田畝

一南鄉花園地方學田一莊 田弓十四石八斗七升五合 每年田租四十五石 完銀四兩三錢三分三釐 米七斗四升四合 一東鄉小現山地方學田一莊 田弓一石一斗七升 每年田租十二石 又乾隆四十年監生郭紀熙捐添田租三石共十五石 完

銀二錢四分 米二升四合 一南鄉黃竹科地方學田一莊 田弓二石四斗 每年田租十二石 完銀四錢一分 米四升四合 一乾隆四十九年蔡揆藻捐田一莊坐落梁鄉花張集地方 田弓二石五斗 每年田租十石 完銀六錢零三釐 米五升六合 一乾隆五十年生員王煜捐田一莊坐落西鄉孫家集地方 田弓一石五斗 每年田租八石 完銀三錢八分六釐 米四升 一西鄉大蜀山地方學田一莊 田弓六石五斗 每年田租七十二石八斗 一北鄉四兒里地方學田一莊 田弓八石九斗 每年田租六十石五斗 一東鄉銅城河地方學田一莊 田

弓一石六斗 每年田租八石 前三莊每年完學租銀一十二兩八錢五分二釐 完錢糧銀四兩一錢二分 米一斗七升六合 以上共完錢糧銀一十兩零九分二釐 完米一石零八升四合 一南鄉永豐圩學田二莊 每年田租三十二石四斗四升 完學租銀六錢二分 以上共完學租銀一十三兩四錢七分二釐 又贊禮生員六名 貧生三十八名領佃各莊田畝係額定各生收租完糧 一趙樹圩田一莊 每年田租五十六石五斗五升 完學租銀二兩零三分二釐五毫 一姚埠圩田四莊 每年田租一百十八石八斗七升六合 完學租銀六兩九錢六分八釐 一上大圩田一莊

每年田租九十五石九斗二升六合 完學租銀四兩四錢三分六釐 一中大圩田一莊 每年田租四十六石七斗三升七合五勺 完學租銀二兩零五分 一後岡圩田一莊 每年田租十五石八斗五升 完學租銀一兩四錢一分七釐五毫 一王家圩田一莊 每年田租三十六石 完學租銀六錢三分六釐 一牛家灘田一莊 每年田租二十六石一斗 完學租銀一兩三錢二分六釐 一小張圩田一莊 每年田租五石四斗 完學租銀二錢八分五釐 以上各莊共田租四百零一石四斗四升贊禮生員 貧生收租共完學租銀一十九兩一錢五分一釐亦係贊禮貧生自

行赴縣完納

文廟樂舞善後公田

一契買賈淞江民田全分坐落西鄉十里廟孫家大影
 地方水旱種十九石六斗每年額大麥租九石時稻租
 一百石棉租二十觔基地三進到後每進五間現有草
 屋四間册弓八石整 一契買梁姓民田全分坐落西
 鄉井岡埠地方實秧十二石每年額大麥租六石時稻
 租一百五十石額棉租八十觔額小租錢八百文莊屋
 私村册弓十一石二斗 一契買龔樹猷民田全分坐
 落北鄉白塔後糾藤地方實秧三十四石外旱地種十
 石有零每年額大麥租九石三斗稻租或踹或分額棉
 租一百觔草租三百觔莊屋一私村册弓二十六石整
 名宦祠舊在奎樓後嘉慶八年知府張祥雲移建奎樓
 東合肥童生湯守和捐房十間為移建府學東立有碑

漢

廬州刺史何武

廬州太守羊續

廬州刺史陸康

廬州刺史劉馥

三國吳

廬江太守洪矩

梁

廬州太守裴邃

唐

廬州刺史李翱

宋

廬州太守劉筠

廬州太守馮京

廬州太守傅堯俞

廬州太守孫覺

廬州太守陳規

明

廬州太守衛宗孟

廬州太守史濡

廬州太守李崱

廬州太守楊璠

廬州太守龍誥

廬州太守陳桓

廬州太守周瑯

廬州太守王鴻漸

廬州太守吳嶽

廬州太守張瀚

續修廬州府志

卷十七

學校志

三

廬州太守張萬化

廬州太守屠仲律

廬州太守呂鳴珂

廬州太守陳懋觀

廬州太守張大忠

廬州太守王俸

廬州太守范以淑

廬州太守馮聖世

廬州太守賈克忠

廬州太守劉應召

廬州太守嚴爾珪

廬州太守吳大朴

廬州太守朱鏞

廬州同知曹榑

廬州同知蔡克廉

廬州同知郭鳳儀

廬州同知白希珩

廬州同知孫化龍

廬州同知賈載熙

廬州通判謝牧

廬州通判馬金

廬州通判陳令

廬州推官蘇敏

廬州推官胡奎

廬州教授孫佐

廬州教授聶曼

廬州經歷江浦然

國朝

廬州太守薛之佐

鄉賢祠在府學西

漢

蜀郡守文黨

續修廬州府志

卷十七

學校志

罕

宋

太子少保忠肅馬亮

樞密副使孝肅包拯

樞密定肅王蘭

元

淮南左丞忠宣余闕

明

禮部尚書蔚綬

副都御史張洵

衛輝府知府孫鎮

陝西僉事張敵

順天府丞忠愍周璽

尚寶司卿文毅蔡悉

雲南參政程楷

副都御史許如蘭

祿勸知州贈光祿大夫龔承先

國朝

贈光祿大夫龔孚肅

贈奉政大夫漕務都司李萬化

贈朝議大夫程尊孔

通政司參議王綱

合肥縣

縣學舊在威武門外宋淳熙中郭少保振展拓城基遷於城內景賢書院元至正中總管拜住重建明洪武初知縣張義撤而新之永樂中李肅正統中方偉歷有增修景泰二年災知府史濡市都督王珪宅益大其規嗣是成化中知縣陸淵周璣宏治知府馬金嘉靖中知縣董執中天啟中知縣張正學陳瑄教諭江大魁皆相繼

續修廬州府志

卷十七

學校志

聖

有事於學者也明末寇焚牆垣盡圯惟聖廟明倫堂尊經閣僅存

國朝順治間訓導蘇紹軾教諭宰維翰知縣方象璜屢加修葺明倫堂歲久傾壞知府杜立本率僚屬捐貲改修崇聖祠舊在明倫堂西康熙四十四年教諭鍾於序改建尊經閣後乾隆四十四年知府恭格知縣劉崑重修學宮並清理學基有邑人趙廷龍等議據詳載縣志成豐年間兩被兵燹僅存瓦礫同治六年署兩江總督李鴻章札飭署廬州府唐景皋邑紳李蘊章劉步青戴昌言徐桂森等以合肥收繳府學修費尚有餘貲接修縣學經前甘涼道李鶴章訪延精於風鑑者勘定移建於

前街南首龍門巷舊係試院地基所有大成殿兩廡戟門泮池櫺星門崇聖祠鄉賢祠名宦祠均照舊式重建至光緒四年李蘊章以畝捐餘款續建又以修東西學署及宮牆照壁雲路街款不敷白捐貲令參將浦英旺監修完工其節孝忠義孝弟福神等祠經福建陸路提督唐定奎捐貲延舉人范彥瀛張卉等修建

明張充合肥縣儒學重修記合肥故有學在縣治之東北成化間復茲改建規制稍備而未大稱中更賢令數人嘗議修拓而病於時細或煩於聽斷未暇也嘉靖辛丑高陽董君執中以鄉進士來領縣事越明年壬寅慨茲學敝亟上其狀於提學御史楊公宜既報可學之制有先師孔子廟廟之旁為兩廡前有戟門有櫺星門其次有明倫堂堂之左右為兩齋絃誦之舍膳養之館列置指布視工緩急以漸修舉加於舊觀偉甚又於櫺星門內作泮池一架石為梁周迴凡若干丈其下停泓澄瀏若化造者始判清濁士臨其上咸思澡德焉前此所

續修廬州府志

卷十七

學校志

三

未有也其惟費取諸帑羨佐以俸錢踰歲而告訖是為癸卯秋八月教諭羅君文輔訓導張君恕葉君尚德爰命諸生蔚拱衛國等詣予請為記予惟先王之建國也教學為先自天子四學以至黨庠塾序莫不有教春秋合樂鄉射養老與夫受成獻馘訊囚之政亦莫不一出於學所以育明德而觀達才也其至矣我太祖高皇帝龍飛淮甸干戈甫定即詔天下立郡縣學當夫首仗黃鉞一時合肥之產類多長材大略景附雲興自俞通海而下伐叛獲醜顯有戎功錫爵秉圭凡若干人列於名臣世世享祀今上明聖華域清晏詔議樽雍申學宮大典畎畝之士莫不嚮往合肥近在王畿方千里之內德化所漸武人革面釋縶脫劍雍雍俎豆儀刑矣武人且然而況士乎昔周盛時武王既戡殷亂詩時邁之章有曰載戢干戈載櫜弓矢我求懿德肆於時夏允王保之夫以安百姓牧國家保王命率由懿德之上則士之貴不既重乎國家養士於學而得若人焉以揆文教以奮武衛則禮讓興行禍亂不作文武合一而全材出矣全才出而治道不其幸歟董君率作之意有以也於是學宮之敝也有司知修之懿德之亡學之敝也而士不知修抱牘而嬉遊於朋齒則謂何哉是故觀威儀定吉凶也稽墳典序樂志也孔子曰入於其國而先其教可知也士可不因是以禔厥躬乎予聞董君治合肥尚賢敦齒

去囂卽愿縣之人變呻而謠若眊而瞭神采煥然類新
學宮之爲予得備書焉以告合肥之人士俾知善政自
教學始

明江朝宗縣儒學題名記洪武初天下郡縣皆建儒學
而合肥縣學乃營於包孝肅公祠堂之右大成殿兩廡
戟門樞星門偉然宏觀先因學舍頗隘又西市鄰居爲
明倫堂暨齋舍而師坐朝經暮史進而講授退而肄習
咸有成績焉故事由教而登名科第列仕版者皆勒名
於石傳諸永久而學之碑石久未具成化戊子監察御
史天台陳公選膺上命來董南畿郡邑學政首謂人才
之育於黌舍選於科目黼黻皇猷笙簧治道厥係攸重
不有激勸之方則人將易而視之鹵莽焉滅裂焉又孰
知所當勸所當懲一日之不可忽哉郡守仁和朱公鏞
乃俾知縣事豐城朱華具匠石教論廣平杜桓博考士
之得名者若干人始自國朝洪武初以次序列之僉謂
不可無記而郡守朱公余同年友也貽書來徵記願未
用告後之人嗟乎夫子不云乎立身行道揚名於後世
孝也又曰君子疾沒世而名不稱焉則士之服習孔子
之道凡所以誦法先王尊所聞行所知措諸功業見諸
操履者政欲以成其名耳然名一也而榮辱係焉苟所
行善則所成之名亦善聞之者必將起敬起畏近而包
孝肅公是已苟所聞有未善則所成之名亦不可僞而

續修廬州府志

卷十七

學校志

三

爲善孟子所謂雖孝子慈孫百世不能改是已名之所
成凜乎可畏如此不亦重哉後之君子指而議之必有
不得逃其實者矣由是言之名之所在信不可不慎如
此而善惡攸判自當求敏其實以副立教者之本心也
尚勸之哉

朱汝森重修忠義祠後學地記歲甲午秋余秉鐸來肥
甫蒞任值歲禮奉太守李公委辦賑務甫竣旋奉檄協
捕蝗蝻七月返署經歲一周徧歷窮鄉僻壤未暇稽學
署諸務也至是稍休小憩東廂察其前爲忠義祠後則
學基隙地中界一牆爲鄰人蓄牧藩潤之所竊疑先賢
妥侑之地不應有此因詢諸耆老始得小隸周炳坡侵
據狀聞諸府府下縣尹那公勛得實乃毀牆移榻復還
舊基並繪圖附牒余又以賑飢遠出乃延雲間曹君倉
書邑人張君蒼厓付以修葺之任較舊祠加擴焉夫公
署如傳舍然豈余所獨利蓋修舉廢墜崇祀事而妥忠
魂抑亦承乏斯職者之責也爰縷舉其顛末以告後來
者

朱汝霖重修學舍記合肥縣學東楹舊有堂三間後則
卑陋室家無所容外茅屋數椽以接賓客勢不能蔽風
雨余履任來思爲修葺苟完之計因循未果太守禮齋
恭公大尹闡風劉公捐修學宮命董其事者清理學基
凡得居民侵佔地若干文署基少拓因營度其地中築

室四間前後做其庭右建一廊接忠義祠其東及後北築牆圍之庭室堂奧差爲完備是役也經始於己亥孟夏之吉越三閱月而落成凡糜白金三百兩後之履斯室者嗣而葺之庶不至以官署爲傳舍云

教諭署在明倫堂東三重五楹光緒四年重建

訓導署在明倫堂西三重五楹光緒四年重建

名宦祠在泮池東

鄉賢祠在泮池西

忠義祠

合肥忠義祠重修記繼輅以嘉慶二十四年十一月二十三日至合肥謁忠義祠屋三楹半且圯矣以告縣人王君葵程君箴二君皆曰敬諾固將葺之矣即日輸私財爲倡而故家之有先人祀祠中者復醮贊助之逾月集錢三萬因得盡易其梁柱之朽敗者計可支三十年夫勢利盛而氣節衰寺觀盛而學校衰相爲乘除者也然學校之衰不自學校始凡諸忠義節孝鄉賢名宦之祠聽其頽廢而莫之顧斯學校隨之矣易曰履霜堅冰

續修廬州府志

卷十七

學校志

四

至蓋言漸也嗚呼可不懼哉工既竟設祀成禮並書其事於石以告三十年後之人知必有勇於爲義如二君者此氣節之所以長存而人心之所以不死也訓導陽湖陸繼輅記

節孝祠在縣學西

祭器見縣志

書目見縣志

學田詳縣志

社學六十四所在城九在鄉五十有五知府馬金建正

德末督學林有孚毀城內淫祠增設十三所大學士楊

一清記萬曆三年府志已云皆廢今多爲民居其遺迹

可考者一五聖樓巷一永貞觀後一潛山廟旁一萬壽

寺西一袁家巷一趙千戶巷一劉公祠旁一放生池旁

明揚一清廬州府社學記王制建邦設都天子命之教
 然後為學小學在公宮南之左大學在郊是已又曰無
 曠土無遊民食節事時民咸安其居樂事勸民尊君親
 上然後興學何哉興學也夫學之設必始於國而教
 之則莫詳於鄉所謂上賢以崇德簡不肖以細惡者皆
 自鄉學始則序術之建師正之司不輕而重也較然矣
 然自周之衰子產不毀鄉校則以為賢其既毀者不既
 多乎而況秦漢以還學無定制若文翁者流則已為異
 而敢論其鄉社之備乎太祖御極之初命天下郡邑皆
 有學至於今茲而不替而社之設亦著為令其修建與
 否則存乎其守令何如耳西充馬侯汝礪以刑部員外
 郎左遷廬州判三年陟同知又三年陟專守期月而事
 舉廢興慨然有志於禮樂之化曰此吾家學也當施於
 一邦其郡若邑所蒞學宮咸飭其所已而有而增其未
 備編市四庫書以資博治而躬考較焉如是者一年其
 郡學之薦於鄉者四人第進士者一人前此未有也察
 宋晉賀侯曰是特因其已成而造就焉耳養正於蒙必
 自社學始論鄉計里各有學以授之規其所成豈止是
 哉檄所屬州縣各新社學如制附郡治者曰合肥其令
 孫紘勤慎而才授之以規而屬以專督縣所轄六十四
 里里各有社學屋皆廢而豪右因奪其廢者有之乃循
 其址之猶存而新其館舍繕以周垣固以重門者若干

清拓其所奪而創造之者若干凡建於市者九於鄉者
 五十有五為屋凡若干楹土木金石等費凡用錢若干
 緡始工於宏治十四年十月十日落成於次年三月三
 日官不傷財民不違時於是擇可模範者以司教事選
 俊秀以充學徒仍時視試較勸懲惰勤殆有比屋弦誦
 之風而田夫野老聿與教子之心矣邑人懼沒侯之功
 圖碑之孫令以書屬南京國子監助教戴君鏞曰君頃
 教六安知侯獨深碑宜君圖戴君乃述其事請予請記
 予惟今之為政者簿書期會之外於學庠間能奉檄
 遵故事以塞責焉者亦已為能而求其探本於衆人之
 所未知奮志於典故之所未備用力於上官督責之所
 不及若馬侯者不其甚艱哉且其施為次序有得於先王
 制禮之遺意又如此予辱交於侯之父少宗伯知其學
 有原委而侯之昆仲並顯為時所推皆蒙養功也茲以
 其家所獨得而施之一邦又推一邦以達天下絜矩之
 道終身之教行若而巳予復何以加諸維時分侯之責
 典侯之教登侯之學與夫嗣侯之位者責之以作聖人
 之大功而勿啟之以利祿之外誘視之教庶幾其
 而勿忽之以間巷之意而予之所望者也故記之

縣學舊在城南門內創建無考元至正辛卯縣尹兀顏網擴而新之明洪武初知縣傅鉉遷於三思橋北舊縣基卽今處洪熙中黃惠宣德中馬驥天順中王慶成化中梅江劉紳宏治中胡暘正德中劉夢熊嘉靖中周良會劉裁萬厯中軒尚朱天啟中楊墀崇禎中教諭胡從政次第修整復建書院於學東明末盡毀

國朝順治四年知縣周廷祚以露祭不忍與舉人畢翼周諸生徐愈壯構廳事三間以當 聖廟康熙六年知縣孟述乾訓導盛損之集邑人改建並復樞星門康熙二十四年教諭王琳徵訓導丁象臨建儒學門生員李錦林建兩廡嗣王琳徵重修明倫堂知縣王仁深重建戟

續修廬州府志

卷十七

學校志

巽

門教諭金佐移建啟聖祠知縣何洪先重修 大成殿雍正二年教諭張廷琛復倡修明倫堂並建禮門義路後教諭李蒸修儒學門知縣陳慶門移樞星泮宮門邑人盧辰告建尊經閣邑人許望齡重建名宦祠邑人王昌任等重修泮池乾隆二十七年知縣李天植倡捐重修創建樞星門石坊乾隆五十九年知縣史統順倡集紳士捐貲修葺道光元年邑紳劉家鸞鮑瑚等督工重修 大成殿十年知縣傅繼勳重修咸豐間燬於兵燹同治四年知縣黃光彬勸辦畝捐與署教諭劉成林卮楷儒訓導呂應期彭澤柳邑紳章廷榜姚長雄等督工重建七年告竣

元羅永登儒學重建文廟記古者學校之教自灑掃以
 至明理修身孝弟而極於窮神知化其習之有其具立
 之有其本進之有其序論之有其要才能由此而出天
 下待此而治夫豈徒然哉白漢唐而下莫不興學但其
 為教不能如古此治道所以尊而純也且學必有廟
 以尊孔子尊孔子所以治道所以尊其道所以重其教則
 民之觀感而興起焉者厥有在矣矧報德報功明祀之
 舉莫此為隆焉其可忽諸廬江廟學之設舊矣學規宏
 邃比於大府而廟之卑陋非尊崇之道也更縣政不知
 其幾人漫弗之省至正辛巳凡顏公蒞政之明日謁廟
 大懼召學官紳士論之曰講有堂便私習也制反踰廟
 廟所以安神靈而有弗稱可乎慨然以作新為己責邑
 人周元傑聞之曰侯以善率民敢不惟令之趨上白諸
 公請舉私藏以興廟制公義而許之即為經始儒士吳
 剛中而下或陶瓦或塗暨或繪飾驩趨響應如一心者
 廟始成公損已俸肖夫子象南面其中而配哲雁列左
 右廡之從祀者悉繪之孺足嚴正仞牆高美舉以法度
 是役始於至正初元而竣則三年之仞牆高美舉以法度
 卑陋儀文亦苟公自新廟於春秋朔望命士類皆唐服
 從事趨踰興俯冠裳嚴翼民吏歆動文雅之風行焉報
 本復始其知所重哉公事母孝其為政也務寬厚不事
 苛細民心信服所謂去後見思公有焉繼公政者真定

張公輔臣也又能善所未逮以助成宗廟之美教諭王
 岱展力效職且曰是是不可無文以紀其實乃以進士吳

之愷狀請遂為之記

明朱鏞修文廟櫺星門記自太祖統一宇內立人極敷

文教遠迨伏羲堯舜禹湯文武之制而道統之傳獨歸

於正於是首崇孔子之道凡在郡國皆建學學皆有廟

天下通祀之人文之教昭宣流布百餘年於茲治隆俗

美才俊輩出皆知佩仁服義貴王賤霸尊君父崇三綱

敘九疇皇極之化於斯為盛維廬州府界在江表輔京

邑所隸州縣八而廬江居其南其民質實而謹厚其才

具而能有為其風士明茂歲入之儲恆升於他所漸摩

文教之秀朝經暮史絃歌之聲不少善號稱易於他邑儒學

聚民之秀朝經暮史絃歌之聲不少善號稱易於他邑儒學

成法而教有成規典章文物燦然備舉任其責者率而

循之耳及成化庚寅嘉禾梅江以進士來知縣事首謁

先聖廟見櫺星門懷題就腐且非厥制欲修正之適監

察御史戴公珊提督南畿學校以躬行為教務崇正學

修禮度仰學耆由斯道求稱皇所以隆化育才之
 盛意江起賢科能知所務搏節羨餘募匠石為櫺星門
 以復禮制之正易之郡以石圖其久永既訖事謂宜有言
 來請於鏞鏞承乏之郡將九載於學知所先務願不可尚
 大懼無以自解而江之孜孜於學知所先務願不可尚

哉是役也經始成化壬辰之冬而以今年癸巳九月丙
午畢工民不知勞官不知廢俾為政者皆知盡其所當
為而不自私即易所謂利物足以和義書所謂庶事康
哉者矣是宜特書以垂示無疆以彰國家以崇教化育
才致治之效有如此云
明錢習禮重修儒學記廬江縣儒學在縣治東歲久將
傾圮弗支知縣馬君視篆之初首謁先聖周覽興歎慨
然以修復為己任謀諸典史蔣君以及校官與邑人士
之重義者議以丹漆之剝蝕者是度材伐石揆日鳩工
會講之堂肄業之齋觀德之圃迨饌堂師生舍宇兩廡
庖福莫不具舉宗稱峻整檐櫺顯敞髮形藻繪皆以法
式繚以周垣映以清池煥然一新士民來觀莫不眩駭
凡監使之臨徘徊殿廡悉皆稱獎乃因蔣君歲滿來朝
求言以紀興復之由予惟列聖右文興治自國都以達
州邑海隅障塞四方萬里之遠莫不建學立師絃誦之
聲所至相聞聖天子嗣位之初大新學政下明詔遣中
臣周履郡國專董振之用德意蓋甚盛也馬君欽奉命
以建學為首務可謂知本矣是邑良士游於學者可不
朝求暮講為古先帝王修齊平治之道會於心體諸身他
日起而備任使足以為公卿大夫與百執事儒者之效

續修廬州府志

卷十七 學校志

吳

自於當時斯無負邑大夫興學之意有以見國家作人
之盛尚其助哉修學經始於宣德庚戌訖工於正統丁
巳夏馬君名驥山東安邱人蔣君名汶浙江山陰人
孫宏誌重建啟聖祠記祀典啟聖祠有配饗有從祀其
制始於百年以前仁之至義之盡而孝之純也廬廟學
既圯兩廡蕩然在古瓦斷烟中啟聖祠綽雖存沒於
輿草者不知其幾何歲詰月朔十五每過撫膺於是捐
微祿構三楹於故所神牀壇位悉準會典之制以妥其
靈蓋先師先賢先儒之主雖同風雨之飄搖必不忍於
其所尊所親之露立而受苾芬也先師先賢先儒之心
安而吾屬之積愆或可稍追於降神之際乎順治十年
癸巳之吉工既成同事者署教諭錢君昊瞻司訓于君
鏡人屬某鑱石壁間踰年始為之記
又儒學東齋記廬之廟學未興而廣文先生皆毓舍以
居其固陋不勝述明倫堂東之齋其一日子守其家學書
有門有室有室有哇有庖福錢君謂我曰子守其家學書
東西銘於斯講近思錄於斯植陶令之菊庾郎之韭邵
子之梅於斯所謂一畝之宮耳署其扉曰此中天地更
大其間晝夜常通斯之所得可知矣于子不惟躬尋孔
顏之樂而又以貽諸後人是不可以詳也乃併志其工作
于子往復論難又以錢君誦述之詳也乃併志其工作

歲時一以明聖學之不墜一以冀廬泮之待興云爾時

為乙未仲秋月重文廟仰瞻大成殿規模宏敞煥然如新

之明劉高培賢先儒者亦復修整殿之左為崇聖祠而前

兩廡祀先賢其東後則尊經閣擁其北俱陳字輝煌適

則魁星樓聳其稱余心竊善之謂學博孟君曰此先生之

與夫成殿相稱曰余何力之與有是邑士大夫率多好

力也夫孟君謝曰余何力之與有是邑士大夫率多好

義又謂余性直頗見諒之深學宮內公事當舉者有所

商輒應余所為創建或某獨任或某眾擊慙為余言

之甚悉顧明倫堂獨未免傾欷下支以木余因謂孟君

曰此先生講堂也何不亦新之以為舉比生色孟君曰

是固予心也年來兩值大禩物力艱難豈堪復重以土

木之役余時又亟以孟君語為善體人情其書事詎今忽

已三年矣歲幸屢豐民氣漸復方欲以簿書鞅掌之暇

與孟君謀所以興是堂者又適奉憲檄內開府州縣學

有廢墜守土官申詳發帑修治或邑中有捐修者亦具

詳以示崇獎等語而孟君乃於憲檄未下時先期報云

邑紳許君獨肩是任焉許君諱望齡字翊周邑貢生為

續修廬州府志

卷十七

學校志

巽

工庀材不下兩月而竣計費數百餘金夏之季余復詣
學與孟君徘徊於堂下羨其輪奐俱美視向時孟君語
余某所為某修某所為某建者殊不少讓余乃笑謂孟
君曰義哉許君之為是舉也先生謂邑中士大夫好義
是其然乎雖然非先生正直動人人情亦何以踴躍至
是爰書數語以善之功固當與許君樂輸之績並存不
也知縣黃光彬重修文廟記邑之文廟議修於同治
四年理其於五年十一月予前會序文以記其始矣茲
已建修理告竣仍為詳敘顛末勒之石以垂久遠俾後
者知創修之不易而監其事者之勞動不可沒也竊以
任事不可修之畏難成功莫易於共濟邑被兵多載蹂躪
摧殘今雖蕩平元氣未復詩書問歇有志者尚抱缺殘
非金錢之虛素封者全歸陋塞以累年兵燹之家區籌累
萬金之足稱其用者難得其材匠民工作之能勝其任者
又難得其人當其始集紳商議僉以爲難非誰言也予
曰雖然時不可緩事在人爲勉行之勿畏難已也遂乃
議取畝捐每畝取二寸文上稟陳情上憲可之而諸
紳踴躍從事各隨其力所能爲而不辭出省構材募工
鑿石製瓦陶磚均良工履舊基新創造所宜而不虛糜其
用乃訪匠氏乃詔良工履舊基新創造所宜而不虛糜其

構重新為其有功於國有益於名教匪淺也予自夏杪
秉鐸是邦數月於茲矣每出入經忠義未嘗不欲歔憑
弔以想見其為人邑固多奇傑咸豐三年粵匪竄踞若
吳微士之守禦捐軀王上舍之團防徇難皆卓卓在人
耳目使忠義祠諸君生於當日當不在吳王諸公下其
激烈感憤當必使邑城首先克復逆匪一旦蕩平吾甚
惜忠義祠諸君不生於今日而與吳王諸公執干禦侮
並轡爭先也吾猶幸忠義祠諸君有為於前吳王諸公
因得步厥芳徽後先濟美也向使無忠義祠俾靈爽式
憑其間默為呵護後之人將安所感發哉祠為賊燬十
餘年邑都闕虛君綸素性有為曾捐寄款京都創建廬
州會館又捐貲採訪忠義同治七年復獨力重建此祠
使忠義祠諸君之靈得所憑依而是邦人士亦得常瞻
仰以激發其意氣而益砥礪其名節者盧君之力也是
不可以不記

又節孝祠記予在敝邑與諸人士輯修志書於節孝一
編又詳加校訂而節孝祠則未紀其事非略也以祠尚
完全未經重建也今夏六月余來是邦秉鐸每朔望拈
香歷覽大成殿外各祠皆規模宏敞而節孝祠在
文昌宮左牆宇峻整亦與諸祠相埒非仁人孝人發潛
閭幽鮮能建置若此有為余告者曰此邑北鄉四品銜
太學生金君維棟所重建也金君母氏馬太恭人青年

續修廬州府志

卷十七

學校志

五

勵志撫金君慈而兼嚴嘗謂之曰婦人節孝不易吾守
半生戰戰兢兢勸勵節之苦幾備嘗矣惟能節庶幾上安
先靈下垂家法不言孝而孝在其中矣爾遇貞女節婦
須極力成全俾不湮沒彰他人之節孝益所以重吾之
節孝也金君跪應曰謹受教咸豐四年粵匪竄踞邑城
節孝祠被燬金君已有重建之意迨邑城克復同治五
年都人士籌經費建文廟及各祠經費不足量力捐
助金君因獨力重建此祠此節孝祠所以煥然一新也
予聞而歎曰學校以明倫為本以教孝為先金君母氏
馬太恭人孝以節全金君更稟命以彰母節孝並及他
人節孝向非金君重建此祠吾知此母與邑人之貞烈
幽靈失所其不瞑目於地下也幾何矣又何以見金君
之孝哉予與金君非有一面之交也予感予太高祖妣
陳孺人節孝已載邑乘崇祀節孝祠而深佩金君之建
此祠實有稟命而行者爰
謹記其事以垂不朽云

崇聖祠在

文廟東北順治十年知縣孫宏詰捐建康熙

四十一年教諭金佐移建今處雍正二年知縣馬洪遂
教諭張廷琛訓導萬汝楫修乾隆二十四年知縣李天

植重修五十九年紳士重修咸豐間燬於賊同治七年
重建

東西兩廡各十五楹康熙二十四年生員李錦林建記

藝文志乾隆二十七年五十九年錦林元孫琦光珩光瑜

光瓊等陸續修理咸豐間燬於賊同治七年錦林族裔
業純鳳翔應宗炳榮志高長有等合戶捐貲重建

大成門五間順治十二年知縣宏喆建康熙二十八年
災知縣王仁深重建咸豐間燬於賊同治七年重建

樞星門在泮池前明成化間知縣梅江建易木以石正
統十年知縣劉夢熊修嘉靖四十三年知縣劉裁重修

並築屏牆及東西柵欄崇禎毀順治十年知縣孫宏喆
續修廬州府志

卷十七

學校志

五

建咸豐間迭遭兵燹惟石柱巋然獨存十一年城復邑
紳鍾崇基馬家瓚朱祝三張存本龐繼煌鍾崇欽鳩工
砌墊

泮宮門在泮池前雍正九年知縣陳慶門重修咸豐間
燬於賊

明倫堂五間中三間右立臥碑左右二門爲學庫貯禮
樂祭器康熙六年訓導盛損之建二十五年教諭王琳
徵重修雍正二年教諭張廷琛紳士楊詵等重修並於
堂之左右翼建禮門義路咸豐間燬於賊同治九年邑
紳章廷榜暨姪珽捐洋帑六百元有奇用 文廟存公
木料重建後屋五間又後屋五間左右廂二間爲進德

修業齋

儒學門在 文廟左偏屋三間康熙二十四年教諭王琳徵訓導丁象臨建雍正四年教諭李蒸修咸豐間燬於兵燹同治七年重建

教諭署在明倫堂東崇聖祠後順治九年教諭錢念修建十一年訓導于有甲增建前廳記載藝文志康熙二十五年

年教諭王琳徵重建四十一年教諭金佐修咸豐間燬於賊同治七年重建

訓導署在明倫堂西順治九年署訓導錢念修創建前廳康熙六年訓導盛損之增修乾隆三十二年訓導胡承譜重修更建引勝軒談經所咸豐間燬於賊同治七

年重建

孔聖家廟明洪武初孔子五十八世孫思流寓廬江於東門內建廟以祀孔子至萬曆四十四年思七世孫衍靡等奉衍聖公文襲奉祀生三名明末廟燬順治十年改建金剛寺南後移柴家篷街北咸豐間燬於賊乾隆五十四年孔廣摯詣曲阜縣釐修譜牒衍聖公昭煥俾署聖廟七品執事官

名宦祠三間門樓一間明正統九年知縣劉夢熊建嘉靖四十三年知縣劉裁修崇禎壬午賊燬

國朝康熙二年知縣祁文友重建五十四年訓導萬汝楫移建戟門之左雍正十年貢生許望齡復建原處乾隆

五十九年重修咸豐間燬於賊同治七年邑紳凌祚重建祀兩江總督范承勳于成龍馬鳴珂漕運總督卽廷極河道總督前安徽巡撫高承爵梁世勳李炳任提督學政巡撫湯斌安徽巡撫靳輔河道總督陳鵬年江蘇邵承業許汝霖張太交張榕端余正健劉果安徽布政使劉漢祚常名揚江安督糧道鮑復昌分巡徽甯道王緒祖以上皆奉文崇祀宋廬江縣令吳懋明廬江知縣劉裁劉夢熊耿廷錄以上舊志載應祀

國朝知縣祁文友許長庚李衍芳王仁深以上奉文崇祀

鄉賢祠在戟門右嘉慶間移建忠義祠前咸豐間燬於賊同治七年邑紳王華重建祀漢蜀郡太守文翁大司

續修廬州府志

卷十七

學校志

五

農朱邑山陽太守周榮偏將軍領南郡太守周瑜隋金

紫光祿大夫開府儀同三司樊子蓋以上舊志載應祀明雲南

道監察御史盧璟戶部郎中王恆宣府都司斷事徐玉

河南道監察御史何瑚湖廣布政使司參政柳希玘太

常寺少卿朱來遠貴州思南府知府宛嘉祥以上舊志載應祀

國朝

贈通議大夫翰林院侍讀學士宋儒醅

贈通議大夫翰林院侍讀學士宋志靈刑部卿宋元徵邑增生

李錦林邑庠生陳經業太學生高克謹州同李之幹涇

縣訓導胡錡湖北鹽法道章廷樑每歲春秋二仲丁祭

後委官致祭

忠義祠三間門樓一間雍正七年知縣陳慶門建咸豐
間燬於賊同治七年邑紳盧綸重建祀漢安陽令毛義
元孝子羊仁明兵部侍郎陳植南京坐營副將馬應奎
贈光祿卿河南道監察御史盧謙河南商邱縣丞呂學
望山東嘉祥縣尉張應弼郡庠生談耀祖邑庠生許鍾
穎嘉定知州張宏任委署梓潼縣知縣張振祚
國朝廣西總兵都督僉事劉承恩廣西副將

贈左都督王承業

以上舊志載應祀咸豐間殉
難官紳悉載忠義傳不備載

節孝祠三間門一間雍正七年知縣陳慶門奉

勅建嘉慶四年邑紳吳繼默姚鳴岡丁茂織等修咸豐間燬於
賊同治八年邑紳金維棟重建節婦詳見列女傳

續修廬州府志

卷十七 學校志

五

禮器儒學舊存磁爐等器二百二十有一知縣陳慶門
捐置籩豆等器三百七十有二嘉慶間邑紳胡稷捐置
磁爐等五件胡上墳捐置大洋鐙四莫摯之捐置紙鐙
八章廷樑捐置錫爐一錫鐙二訓導程定謨捐置鐵鐐
鑪等三十有二兵燹後無存邑紳吳長慶捐置豆二十
八籩二十八洋銅籩豆襯碗五十六古銅盤六錫香鑪
五錫燭臺五副錫鑪瓶十明角階鐙三十二紅宮鐙二
十明角珠絡鐙十六明角大鐙四
樂器儒學舊存大銅鐘一楹鼓一知縣程慶門捐置編
鐘編磬等一百七十有三琴瑟祝啟等一百七十有七
嘉慶間置兵燹後無存邑紳吳長慶捐置楹鼓一拊鼓

二琴一瑟一祝一止一敵一雙管二鳳簫二每面十洞六管全洞簫二龍笛二篪二塤二笙二歌鐘一磬一黃緞麾幡二夾幅朱竿二外有塗金朱架二座雕龍首二朱緯九就旌節二朱竿二外有朱架二座曲柄黃緞一朱竹籥三十六朱竹翟竿三十六塗金雕龍首三十六翟羽一百有八籥架二翟架二廣漆條棹二拭漆樂器箱二皮器白皮箱一

書目見縣志

社學舊廢順治十一年知縣孫宏喆復建於縣治西

福德祠三間門樓一間康熙四十二年知縣吳賓彥教

諭金佐訓導趙灝等建成豐間燬於賊同治七年邑紳

王華重建並建文昌先代祠三間文廟萬仞宮牆

續修廬州府志 卷十七 學校志

五

同治十二年邑紳吳長慶捐銀創建

附捐置歲修田畝

一陳文錦捐高家河灣山田九十一畝七分 一陳士

楷捐魏家崎又名狗頭寨山田二十畝 一劉桐坡捐

紅沙堰木家集山田四十八畝八分 一計世本捐土

城岡山田二十一畝 一計世本捐毛家鋪田五十畝

零五分 一孫家嘴灘田七畝 一黃蜀山破堰岡田

二十四畝 一莫盈田捐鴨池廟岡頂山田十三石

先師誕辰祭田

一東鄉王家油坊山田十畝 一韓章紱捐壇基田三

十二畝 一鄒思楷捐章家茨柯山田四十畝 一樊

近仁讓還 文廟右首基地一片前抵文明河右齊俞
姓屋廂 一知縣徐堂廡以公貲買張世燧大北門內
屋基一片坐西朝東前至街後齊名宦祠左至張姓牆
右至王姓屋廂以爲建造昭忠祠之基

東西齋學田

一南鄉八字口田八石 一南鄉白果樹田四石五斗
一南鄉柴埠渡田四石五斗 一西鄉三十里鋪田四
石五斗 一北鄉丁家窰田三石又城內北門奎樓後
香花墩官塘二口

儒學贊禮生田

乾隆四十三年知縣李天植撥給贊禮生東鄉缺口龐

續修廬州府志

卷十七

學校志

五

家圩田租三石一斛計畝十三畝係馬超充公又西門
岡房屋一所租銀四兩係唐廷表充公案存儒學署
一陳文錦捐北鄉埠子岡田八十四畝又東鄉馬厰岡
田一百二十八畝爲合邑童試禮房卷房公費 一陶
洪澤捐北鄉巴茅河田二十四畝爲文生歲科兩試卷
費 一潘晴軒捐北鄉茶菴山田租一百石又北鄉高
台山田租十六石五斗爲府考覆試卷費並添助修
文廟及修理書院諸費 一陳文錦捐東關外榆樹岡
田二十畝爲奎樓備買竹筐檢惜字紙工食並作義地
清明標祭挑培墳塚暨中元歲暮各用 一毛公祠南
鄉了枝岡祭田五石五斗

一柯桂捐銀四百兩生息爲歲科兩試東西齋刷印給單及道路夫馬書斗飯食諸費 一陳經業後裔公捐北鄉虎形地山田三石入鄉賢祠以作春秋祭費

舒城縣

縣學創始未詳元至正燬於兵惟虞集所撰碑記尚存邑人許榮改築於新城外明洪武初知縣員蟻移縣署西宣德中劉顯成化中楊縉宏治中張寶嘉靖中魏寶何偁雷孟冬黃誥隆慶中徐成位萬厯中王楨陳魁士錢永燦教諭封錫類雷芳增修大備亂後所存文廟數椽而已

國朝康熙三年知縣何朝聘捐俸倡修後王朝瑞重修明續修廬州府志

卷十七

學校志

五

倫堂張廷標暨教諭徐干之又修學宮乾隆二十三年邑人靳宏士捐金重修五十八年教諭姜兆翀募金重新 大成殿改建兩廡靳宏士孫文莊重修前殿嘉慶十年知縣覺羅長庚重修咸豐年間盡燬於賊同治五年邑人稟請知縣延齡議章修建七年知縣李陔華詳飭重修工未舉去九年知縣王昌南率邑人重建 大成殿三間東廡七間西廡七間大成門三間 崇聖祠樂器庫三間祭器庫三間省牲所一間更衣所一間及櫺星門泮池悉如舊制大成門左名宦祠三間大成門右鄉賢祠三間學宮左明倫堂三間明倫堂前尊經閣一座一時並建

元虞集明倫堂記學校講學之地也古未有廟其釋奠於先聖先師者非廟也後世始為廟以祀夫子通乎天下三四百年之間禮制浸盛我國家郡縣無大小皆得建學尤以廟為重焉是以有司修祠典弗敢缺而教無其師師非其人則或有不暇計者此士大夫因循苟且之通弊要其識慮初不及此無怪其然也舒城古邑也自宋季數有軍旅之事故學校之盛微不及東南然而山川高深風氣完密民生其間有中州質愿之美而奇巖幽谷往往有昔賢名人遺迹足以風動其人而其亦樂道之故其俗為易化者矣延祐乙卯前令杜思敬始重建廟而講堂卑陋弗治久而益壞部使者宋公翼嘗督縣令改作辭以故逮變理溥化登蒙占進士第長是邑始出獨見捐已俸以天厯己巳之歲度材庀工撤而新之凡為屋若干間規模宏敞始與廟稱未期告成則某月也董役者典史周允耆儒宋楊椿傳熙宋文富蒞工者范應月胡木立皆儒也至順元年秋變理君以職事如京師踵門來求文以記之今夫郡縣之吏急于簿書期會有不暇為治而況教乎變理君之為邑知重講習豈非知之固然者乎夫君臣父子兄弟朋友夫婦之倫本諸天理之固然而不待強名者豈有出於此五者之外者乎然而明之則序不明之則教此教之所由興也氣質之不齊雖萬其殊而大概智愚賢不肖之分而已

續修廬州府志

卷十七 學校志

堯

矣斯倫也愚者有所不知不屑者又違而遠之故有待於啟迪矯率無遲也乃若賢且智者所謂質之美者也於其倫之所在亦不知求盡其心焉然而不聞聖賢之傳不經師友之辨則不足以知天理之節文精義之攸當則直情徑行必有墮於私意所謂疑似之近幾微之差其流弊反有以失其良心之正而貽世俗無窮之害焉此係於教者為最切故古者學校之教壹是皆以明倫為事豈非憂之深而慮之遠者乎嗚呼灑埽應對而敬其事則窮理盡性之學斯在服勤就養而盡其職則存神知化之妙以存不踰乎屋室戶庭之近而天地萬物之奧已具不外耳目口鼻之用而陰陽鬼神之微已通人之所以為人者亦大矣故曰聖人倫之至也不有以明之孰從而知之哉嗚呼其說亦微矣登斯堂者觀其名而思其賢因子之言而求變理君之志庶幾有所觀感也夫昔邑之君子有李公麟伯時嘗讀書于龍眠山因以自號故有龍眠書院在縣治東飛霞亭之北國初東禪寺僧餅之而書院廢變理君得隙地於清心池亭之上蓋伯時與蘇子瞻黃魯直諸賢之所共遊者也乃闢池為屋以復書院之舊以廣為學之處變理之於其民也有古人之道哉來者克繼之永久明徐千之重修學宮碑記古者自天子之國至於鄉皆有學崇術立教其法詳於國先具於鄉尤必擇鄉大夫

之賢者爲之師蓋文武人才之盛始於鄉而後發名成業於天下故學宮不可一日荒也宋明來莫不祀至賢以廟設博士官以課士亦猶行古制也癸巳春余謬乘舒鐸舒爲文翁之鄉其學規模宏麗然亦再修而再圯云晨謁廟見樞星諸門欹斜殿上西隅樹生幾拱宇下洞然窺天啟聖祠湫隘委諸草莽泮橋頽而淤怒然思重新之時邑令劔峯張君以五十金倡借以細故止余益怒然謀於鄉士勾會計庸經始於十月鳩工庀材圻腐棟椽瓦悉去級甄補視黜聖丹甍堂宇一新乙未冬正樞星門向易杜高三丈撤圍牆再砌買石濬泮水橋架三虹如初以丁酉春修啓聖祠易土牆以瓦殿甬道鋪以石橫門列以亭手栽松柏鬱鬱森森矣廣儀門舊制而重建則在歲之己亥縱橫約增三四尺許體勢崇閣與前後稱肥令嚴公王君署舒捐俸二十金攸助合計通邑所輸不下八百餘金拮据初就庚子夏秀水蔣君來尹舒更募修葺兩廡階石上下未畢工者次第告竣新鑄祭器春秋釋菜子弟駿奔輝煌俎豆嘻八載經營予不過奔走司出納已耳勤事者前有何力之有顧余於今則石樵童君暨邑中諸紳士也余何力之有顧余於茲役竊有感焉初易大殿也凡三閱月設風雨飄搖椽瓦何能覆乃朝落成而暮降雪琢樞星石柱於山隈冬水涸弗通一夕驟雨洪濤載石而至儀門非大木不勝

續修廬州府志

卷十七

學校志

李

任而山水忽衝激數年未出之木以作棟梁選豈人力哉聖人之靈也吁昔舒巍科鼎盛宮保相望今少寥寥者未必非學宮傾圯之故剝極而復天啟其祥觀廟貌崇隆士氣宜奮加以賢宰之鼓勵何患振興無地耶余雖拙學顧諸子時共切劇處則續學砥行藏著述於名山出則內如張仲外如方叔文武之道兼取於學庶不愧爲文翁之鄉人子弟詎爭區區科名已哉故學宮不可一日荒也後之官於此者首肯予言乎故記之明薛應旂新建尊經閣記夫經者以經世也聖作經以經世而世之人或尊焉或否焉夫是以道有行隆世有升降而全材至治不獲常見於天下豈聖人繼往開來範圍曲成於此尚有遺慮耶凡以世之人不能遵尙經術者之過也是故建學造士必制閣以尊經而淑世作人之機儼乎有在然而學考猶率多玩焉而弗之省也矧城爲廬屬邑襟帶江淮掩映潛皖蓋勝區也其學宮諸制悉備唯尊經之閣久稽建立古燕高君節以御史出守廬之明年政成人和於是舒之諸生以閣請因相地度材計工畫費達督學御宛豫章胡公植允其事經始於嘉靖戊申十月至冬十二月遂告成事且謂當勒石以記公乃命廬學訓導曹昂涉大江而東問於薛子薛子曰斯督學公之教也提調官之政也諸博士之責

也二三子之業也旂不敏何能為言哉雖然竊嘗有聞焉仲尼曰入其國其教可知矣其為人也不雜疏通知遠而不誣溫柔敦厚而不亂恭儉莊敬而不煩廣博良易而不奢屬辭比事而不亂是深於易書詩禮樂春秋之教者也夫其所謂經者豈若後儒之皓首窮經伸吟佔畢訓詁章句爾哉是必有精旨存焉引而不發欲學者深造而自得也乃今閣以尊經天下學校之所同者也尊經於閣亦天下學之所同者也然知所以尊經而得旨者或寡矣何也天下之理一也動則謂之命在天則謂之性性之主宰則謂之心發則又粲然殊稱有不可謂之才至其別倫分類因義著其名則一也皆命於天而其於吾人之指數者然合而言之蔽塞斯理晦冥聖人憂之於是著之話言書之簡冊以訓天下以詔後世而六經於是乎作矣是豈聖人之初意哉聖人者不得已而有言也然其言之也非有他也一也聖人不得已而有言也然其言之也非有他也一也求經於經而求經於心以涵養而勿忘奉持而勿失則虛靈之中萬善貞一變化以尊吾心之通以尊吾心之禮融暢以尊吾心之樂劑量以尊吾心之春秋而一身之四體百

駭天下之萬事萬物可從而理矣苟為不然而擬議於畫之奇偶文之古今體之經緯度之統數音之上下例之常變追跡石渠虎觀之討論崇文集賢之編緝如彼漢宋故事是則其所尊者古人之糟粕也非經也雖若與叛經侮經者有問而均之為褻經者也胡公振鐸南輔倡之笑者幾希矣惡在其為尊經也哉胡公振鐸南輔倡之明本原之學以興起斯文為已任而賢有司又克贊成之言者蓋闡公之意以為儒為三子助也他日舒之士人有得於傳心之學為世名儒為時鉅卿則今日之舉不將永有賴乎爰記之以俟

明秦民悅科貢題名碑記士之可以傳遠者金石而巳若虞尊周鼎鼎洗敦鈺之識岐陽之鼓岳嶧會稽之刻皆賢士所以見於古者然也漢魏而降碑刻盛行當時英君賢士所以紀功德昭世系成藉諸此我國家橋古右文宗重科目取士必本於五經而與進士之選者必命所司立石題名於人學是以天下學校皆據而有之此吾舒庠科貢題名碑所由起也碑豎其間列銜修師今縣令張君寶能作新士類學諭倪君域等能慎修師道謀併其貢碑重鐫之將欲取信於來世以予為舒人宜跋諸陰予惟賢才之生鍾山川之秀氣荷列聖之教養為治道之所關其不輕而重也昭然矣今得以登名

是刻豈徒侈其名之榮耶觀者必將羣聚而指視之品
議之則賢否淑慝忠貞邪佞固可以為勸為戒如燭照
鑑別有不可得而掩者矣不亦凜然可畏哉又非金石
之存亡足恃也予猥以鄙劣在公論所弗錄後之君子
方進而未艾幸敬勸之勿忘

明秦民悅重修廟學記吾儒道德之懿載於六經孔子
刪述之功賢於堯舜故天下後世獨廟祀之事功然也
惟明以道德治天下內而兩京外而郡邑莫不建學立
師儲英育才闡明道德求至乎二帝三王之盛若舒城
之廟學其一焉先是典守者屢嘗修治但事涉簡略日
就於壞蘇門張侯寶奉命來尹茲邑謁見之始歎曰此

寶之責也然而惠澤未及於民弗敢輒舉甫三年政通
時和庶事克修乃預指贊費將欲經始適提學侍御陳
玉疇郡守馬汝勵先後臨邑俱以廟學弗稱為言侯遂
鳩工市材采石陶瓦力用在官而不擾於眾委同寮主
簿何君雍督其事令訓術張悅促其工若明倫堂兩齋

饌堂號房學門官廡之朽者易之脫者補之歌者正之
若大成殿戟門兩廡樞星門泮池並橋神廚庫鄉賢祠
科貢二碑射圃井泉諸亭之全敞始所無者則鼎建之
一輪繪飾如新材取株楠瓦飾琉璃甃以磚石堅緻宏
敞輪奐雄偉丹碧輝映凡此皆出於侯之心思措置自
有廟學以來於斯為盛矣教諭倪域訓導劉達林頗暨

續修廬州府志

卷十七

學校志

奎

諸士子概邑士大夫咸感侯之注意而樂觀其成屬予
記其事以垂永久予惟舒城自古文獻之邑也廟學在
縣治之西當山川之勝若春秋龍眠重巒燁燁之獻秀
若七門桃溪恬波細流之迥遠故清淑之氣鍾而為人
往往率有穎悟出羣之資使加之所以學問之功其底於
成人有德之域也何有哉傳曰乃所願則學孔子夫孔
子之所刪述者易書詩春秋禮樂之經也經之所載者
修齊治國平天下之道德也諸君子生長畿輔之地樂
乎時雨之化游於斯蓋簪於斯所讀者聖經賢傳所講
者性命道德果能念茲在茲體夫易之終日乾乾夕惕
若之命道不使之稍懈焉則禮明義熟發而為文必如
夫致君澤民建功立業表表於天地之間踵美乎前代
如文翁朱邑茹孝標李麟朱可與國朝如視監丞季深
先大父少司徒子儀鄭少宰景陽錢太守志學鄭司寇
宗良諸鄉賢之德望度不負山川之炳靈聖君教養之
道德良有司作興學校之美意也苟或拘拘於口耳詞
章之習知行背馳非予所敢望於諸君子焉是役也起
工於宏治乙丑之春三月落成於是年之冬十一月時
贊襄之者有縣丞郭敏主簿郭祿李智典史楊慄故得
牽聯而書之其請文之士大夫則具名於碑陰是月長
至日立

明胡守恆重修儒學碑記古之帝王尊孔子無不建孔子之學京師辟雍天子郡若州皆有廟博士居學宮弟子員奉博士教唯謹吾舒故有學考舒之地為古六城舉陶受胙焉春秋為舒國漢時有龍見更名為龍舒屬三吳上游禹貢揚州之區天文斗分野山川之靈攸聚儒學所由肇建也元至正間徙城外洪武初鼎建於縣治之西雖歷代補苴不乏而歲時歷久丹堊不鮮椽題蛙滅鞠為茂草矣士欲宵雅肄三了無春誦夏絃之處也天啟癸亥先達濮卓峯同鄉周視而感慨保之捐貲五百金為鳩工庀石之舉學博雷先生筠倩董役而落成焉若殿廡儀門櫺星啟聖以逮名宦鄉賢諸祠皆炳然翬飛鳥革之觀矣詎今數載厥功未彰里中庠友明經走書茗上徵余一言以記之余惟春秋一書多慎改作獸魯僖在類無譏焉蓋重堯舜文武之道雖有所作無識也於戲吾孔子祖述堯舜憲章文武者也孔子以後歷代之帝王亦既尊孔子建孔子之學矣天下之郡若縣若州如吾舒自漢至於我明亦既建孔子之學於列國之久而長新於天啟之未造誰之功濮同鄉雷博士與博士弟子員之功也夫士挾策而遊於學途闢四軌台列三重穹門修廊華敞隆棟非若向之湫隘塵囂也瓦墁碾甃棗桷題榮縱目而觀精好工麗非復向之

標朽黠黠也若入孔子門而見宗廟之美百官之富若升孔堂而聞金石之响絲竹之音於斯時也誰敢以不軌不物之身自點於聖域賢關將見吾舒之儒藏修夕游且夕處此日益而不知發為文章光明俊偉措為事業足以黼黻皇猷革故鼎新其效豈渺小也哉余又有說焉教化為治之先務而舉陶以明允為士三居五宅謹次於司徒此明刑所以彌教也余不敏司李吳興竊有企於庭堅而紀石明倫堂欲自附於處集遠思文黨為吾舒人獨士之興實以公之善教而張寬司馬相如輩為公弟子遂以文字經術名寰中後之為吾舒博士者庶有取於文黨而戒休董威之事余其為博士他山之助也若夫今日鼎建學宮之舉告厥成功則有了未進士歷任太僕寺卿濮曉陽中玉安陸舉人時任教諭後陞工部郎中雷筠監造有功鄉耆黃迪吉侯均榮例得並書

費金吾重修雲路建坊記余同門年友蔣侯之令舒也於邑之利益事悉次第興舉其鄉之大夫士感其德凡所舉行靡不佐勞助以成其善而鄉縉紳鍾子多為之倡此固其俗之良亦侯與鍾子興廢舉墜相得益彰也余時適守濠郡嘗攝廬篆又嘗代庖監司每以公事至皖道出於舒侯輒舉所行事相質余為稱羨者久之侯又言曰治莫先於教然教民莫先於教士莫先於教學

校吾既修學宮置祭器勤考課其有關於學校者已稍
 稍釐治矣而黌宮之外舊有雲路路之前有雲路坊青
 烏家所謂形勝之勢也今其路已破矣坊已蕪矣擬修
 建之有志焉未逮也余又為贊助者久之未幾侯調繁
 江都事不果舉明年鍾子遂慨然以為已任捐重贊鳩
 工庀材以集迺事不越月而其坦然者路也巍然者坊
 也由是行其路而過其坊者稱述鍾子之賢於弗衰又
 值侯弟鴻逵適過舒舒人士素知余與侯有同門誼又
 昔嘗贊助焉而未舉行也今鍾子已舉行之矣因分言
 而屬記於余余不敢以不文辭爰記之曰聖人之道不
 外禮義夫義路也禮門也由其路自得入其門今舒之
 多士藏修息游於黌舍間者皆學聖人之道者也欲入
 聖人之門而可無其路乎路不歸於正大而任其敬邪
 則得其門者或寡矣欲更望其升堂而入室也得以出
 侯既興教化於前而鍾子隨闢其路俾諸士由之以出
 入之門因以升堂而入室其所以副造士之盛心者不
 已至乎舒邑數十年來歌鹿鳴者寥寥今秋遂有舉於
 鄉者說者以為形勝之驗咸歸德於鍾子然其小者使
 舒之士咸知濯磨震厲以奮志功名於以建俊偉光明
 之業則不特無負鍾子之雅志而於 聖朝學校之
 設賢侯崇建之意庶幾均有得也夫鍾子於侯所行利
 益事無不佐勞助費至於特修橋梁獨捐書院種種義

名宦祠在大成門東

鄉賢祠在大成門西

忠義祠節孝祠在明倫堂西

祭器見縣志

書目見縣志

學田詳縣志

社學二所一縣西一桃城鎮俱廢

無為州

州學宋皇祐中建於錦繡溪北崇甯中徙漕臺之東隅

後遷西隅政和間復遷錦繡溪賜御書大成之殿四大
字元季兵燹惟殿獨存至正間學博全璧樹兩廡明洪
武初知州王奉訓新之其後宣德中王仕錫天順中熊
恕成化中楊士傑劉紹元宏治中辛文淵嘉靖中同知
許用中隆慶間知州洪邦光萬曆中同知查志文知州
趙範陳嘉賓相繼恢拓視昔有加崇禎中知州李春華
重修

國朝順治九年知州佟國禎康熙三年知州李祐之學正
曹鼎臣捐修鼎臣以彤家言改天香亭建樓名天香閣
二十年知州王國輔學正史逸孫訓導何嗣和同心倡
募厥工未竟三十三年知州張國禎修尊經閣三十六

續修廬州府志

卷十七

學校志

奎

年知州李璋重修泮池石橋四十六年知州胡良佐復
修葺乾隆元年學正謝陞訓導金玉式募修大成殿十
三年江防同知王又樸倡捐鼎修五十七年知縣蘇椿
倡修未竟五十九年知州顧浩勸輸重修咸豐五年被
賊燬僅存櫺星門三座同治元年閣學鳩貲將西門大
街繡溪書院改建董其事州人附貢生何文治孝廉方
正朱先魁現仍擬修復舊地

明陳樾重修儒學記永樂甲辰冬建昌南城王君仕錫
由國子生來爲無爲州太守旣視篆克推所學以施諸
政介然自守卓然有爲德教旁敷廢墜興舉而尤注意
學校因觀郡學禮殿及兩廡戟門歲久將傾歷明倫堂
與東西兩齋舍湫隘弗稱乃捐俸以倡寅案及士民好
義者鳩工度材先修禮殿次及兩廡戟門越三載始克
成明倫堂則經始於宣德癸丑秋落成於是冬東西齋
肇工於正統元年丙辰冬訖工於二年夏君視斯役諸

人咸欣然出資力來助故不以屬吏煩民同知石首王
 圯鄴江陳善判官延平李勝孝感丁健吏日長汀吳瑗
 協恭和衷事以克集既完且美偉然壯觀士庶驚歎以
 為昔所未見儒學司訓徐欽平等具修學始未嘗請曰
 郡學諸所久徹非太守莫克為之今殿堂兩廡齋舍皆
 煥然一新足以崇明祀庇師徒者太守功也念與造之
 不易傳守之靡常紀今勸後非金石莫可而未有辭以
 刻敢固請予重其意之誠義不容默洪惟聖朝混一海
 宇詔天下郡邑建學立師教育賢才以資任用列聖繼
 統御極尤重焉然勉勵宣明者則太守之職且學以繼
 明人倫為本非但談性命擄詞章應科舉而已當求古
 人所謂明倫者為何事羣居肄業篤守力舉而己當求古
 子於鄉為善人於國為忠臣斯無負朝廷建學意亦司
 教化者所望於諸生也於戲事未始不可為也使昔之
 為郡者能秉此心斯學不至摧陋如此今君一倡而人
 翕然悉心展力竟底於成苟非平昔善政及民信孚於
 人焉能至是哉抑君非獨學校為然恆慮旱澇無常民
 艱於食創置利民倉三所積穀餘四萬石遇歲歉賴以
 存活者甚眾至若勸農桑均賦役禁侵漁警游惰凡可
 以利民生厚風俗者靡不力為之在任將盈三考惠澤
 加於民聲名昭於時蓋無忝於古之所謂良郡守矣因
 徐思訓等之請故特記此碑居學校者知所勉以無忘

君之德庶方來者亦知所勸云正統二年夏六月嘉議

大夫禮部左侍郎羊城陳榷記
 宋徐堯稽古閣記皇帝踐祚十五年內修外攘文致武
 克瀛海清甯巖廊靖暇詔以二月五日臨幸太學命國
 子祭酒講論文義錫以身章自學宮至弟子員疏恩錫
 帛各有差於是遠近章布之士莫不舞手相慶生光吐
 氣以謂斯人之遇千載一時蓋無間智愚賢不肖始曉
 然上意所鄉矣先是無為軍學以皇祐二年始建於郡
 治之西錦繡池之北以崇甯二年頒行舍法乃徙於今
 舊址大成有殿從祀有廡膳蓋有堂東西復遷錦繡池之
 之後創建稽古閣以嚴宸章奎畫之奉中值建炎紹興
 間兵火學雖幸不燬而閣無復存矣消熙初堯被命掌
 教此邦會敷文張公士元領使計臺視事之始祇謁聖
 師願瞻太息曰淮吾車必式里也詎可使之始祇謁聖
 而戎馬氣盛哉且賜書之奉無所則尊主之意或闕吾
 為使者其忍安之迺增闢舊址為閣五間庀工於清熙
 二年之三月而落成於五月公又以為舊堂卑陋不克稱
 是就更更新之為堂五間閣之後又為屋三間重檐複楹
 跋翼翬飛黝堊丹青神彩奪目於是無為軍學甲於兩
 淮公天資超軼趨事靜敏曾未半歲諸宇皆成凡繕錢
 計度悉自於己一黍一銖舉不以略而諸生德公之賜

求文以紀嘗謂人主為治之切務有三曰學校也求直
言也進君子退小人也然欲所用皆君子而能極言不
諱以指陳天下事又必自教養中出繇是而言三者之
務雖均而學校為尤切焉今天子恢宏大化首善上京
使所任部使者人人而能如公遵體聖意率先郡國養
君子如香草護正氣如司命將見異材輩出應上所須
而天下之事有不足為者矣然則盍書之以示來者
熙四年三月望日記
明鄭閣重修大成殿記無為州儒學大成殿按稽古閣
記先是無為軍學不書其地宋仁宗皇祐初始建於此
前臨紫芝山之秀錦繡水之清勝概豁如也徽宗崇甯
二年頒行舍法徙學宮於漕臺政和四年復遷舊址既
復間於朝賜御書大成之殿四金字尚在重和元年方
改作殿廡此是也殿自脊抵基高五尺南深四丈
五尺東西闊有八筵重檐四周水三百四十滴樓題檻
檠數不可知輪奐之美視淮右諸殿罕儷南波建災紹
興開幾廢矣孝宗淳熙六年乃一新之紀於重修學碑
自是更兩朝十世至仁元宗延祐四年前所興者壞甚
司學政者又大修之碑記尚存泰定元年亦略補葺筒
瓦刻泰定字蓋可知矣元末兵興州治灰燼獨殿僅存
國朝洪武初聿修文教乃構講堂兩序以集生徒崇祀
有廟教養有齋狩與盛哉永樂甲辰冬去前修日遠梁

續修廬州府志

卷十七 學校志

奎

棟俱朽欲壓欲傾閣時承乏調掌學校視殿之壞無能
為者適南城王公仕錫來知州事公下車謁廟輒與咨
嗟乃謂閣曰吾二人者職司政教由聖人之道可不崇
其廟祀乎柰公莅政未幾洪熙秋又治裝入覲未暇及
之明年宣德紀元乃命閣為疏文以鳩眾助官資俸給
民贈貨財又明年得穀千石餘貨及半由是合抱之木
黝聖丹漆並積俱收而金工木工陶者巧者各進巧力
自梁棟以下留堅去腐無或苟略三月竣事獨西廡未
完今年春公繼修前績同僚諸公皆樂為襄贊而殿廡
門牆逮秋俱就貌象飾如始新尊爵俎豆一以法故衣
冠景仰儒道有輝旣落成眾謂斯殿之新關乎氣運非
偶然也可弗志乎公乃命為文記之閣惟天下之物盛
衰興廢固有定運而天亦或相之殿自重和至今三百
四十餘載壞而新者三焉甲子五周而有餘兵火兩遭
而不燬非天相斯文以昭聖人在天之靈而何於戲夫
道高天下者當受天下之奉澤流萬世者當享萬世之
祭聖人德侔天地道貫古今廟祀得不與天地悠久乎
雖然相之者固天為之者實人也其是記之作固不圖
耀於時特以物之新者未有不舊盛者未必不衰百祀
之後或風雨飄搖尚冀後人之視今猶今人視昔繼繼
承承俾聖人之廟貌垂萬齡而不沒是
則公之心而眾之志也故勒之石云

名宦祠在戟門東今圯

鄉賢祠在戟門西今圯

忠義祠舊在學門外東首久圯今於新文昌廟後餘屋

舍三楹謹將三祠木主遷奉於內

節孝祠舊在文廟西首久圯今捐購舊繡溪書院右側

建舍六楹謹將節孝木主遷奉於內

明吳廷翰名宦鄉賢祠記正德丁丑年八月名宦鄉賢
二祠成郡守劔南吳侯以三國濡須督朱公桓宋通判
呂公夷簡知軍楚公惟王公蘧雙公漸陳公瓚米公芾
趙公汝談國朝唐公元樂公瓚鄉公以信王公仕錫同
知陳公善學政陳公道曾唐忠義袁公傑宋狀元焦公
蹈員外郎楊公傑侍郎賈公易樞密使王公之道參知
政事王公簡孝子方公某季公元禮國朝永義侯桑公
世傑工部尚書薛公祥侍讀學士邢公寬二十五人並
祀焉從諸生吳廷翰之請也或問之曰名宦祀禮乎曰
古天子諸侯祭因國之在其地而無主後者宦有德於

續修廬州府志

卷十七

學校志

奕

士祀之禮也何以祀鄉賢曰示典型也祀必於先聖廟
乎曰於先聖廟宗主之矣不庶列者何也曰亞於從祀
諸賢也名宦鄉賢何以序曰左名宦右鄉賢賓主之義
也何以有是二十五人也曰聖王之制祭法施於民也
以死勤事也以勞定國也能禦災捍患也五者二十五
人之所以定也朱公桓以武人而祀何也曰禦災捍患
也駱統非朱公比與曰然桑公例於朱公者耶曰忠義
人也以死勤事矣趙淮非死勤事者與曰淮東轉運使
皮銀樹壩應祀之也有戰功曰宋史不錄無攷闕之可
也雙公漸當鄉賢之也曰博學能文不必其賢所至有
惠政若古循吏名宦矣米公風韻蕭遠者與曰蝗飛入
境不傷禾稼朱公類也王公蓬以興築趙公汝談以守
禦其祀之也亦然唐公元樂公瓚以興築趙公汝談以錫
取於一統志乎曰然國書猶可信也同知而祀魯公矣
奚為而復陳公曰魯不見國書也陳公學正何祀也曰
通五經規模整齊重學校示教本也袁公勅祀而復乎
曰學校鄉人各一其祀城隍祀於廟復祀於山川厲壇
其義一也焦公一第無聞者與曰焦亦天下一人也賈
公易王公蘭名臣耶曰賈程學王朱學也絕諸賢矣何
以上祀相山也曰相山未易得也況團寨活人與朱公
類者耶然則如位序何曰父子之義軒車東西向可也
其不得如顏於曲阜曾於萊蕪思於泗水者何也曰不

取同於王者之制也季氏之孝何不逮祀立也曰立之
後有庭春是為三孝祀元禮立與庭春之心也祀立則
庭春不應避食矣我聖祖定功臣廟享獨祀木華黎而
罷安童亦此意與其不得如王氏父子何也曰王之
顯於父以子而推父並祀可也方孝子何以始祀曰方
之孝同而舊誤遺也吳敬孝子奚不錄曰賢者之過不
可以為訓也然則如贊理郎何曰一時之恩典與百世
之法取不類同也薛公新附有見與曰集義保境如袁
公條陳時政如王公直諫不阿如賈公如此而猶弗祀
乎郭彥仁朱文不並列桑公者何也曰學校之祀不專
戰功也邢公狀元也曷書官曰焦未官而卒邢不與焦
同也況典試纂修與經筵講讀功在翰林非狀元之可
盡與袁公而稱唐忠義與曰爵也爵宋而人唐何以辨
曰宋封昭義嘉應王唐袁傑斯不悖矣名宦以爵序耶
曰以爵爵同而以時也通判先知軍非爵也曰呂公大
臣非諸公所可先也序鄉賢以齒與曰齒鄉賢而屈軒
車分也或曰子議則明矣其行永乎曰禮質諸經事據
諸史未見其能明也後有秉禮之士其屈矣曰禮在天
下義在人心名宦鄉賢有知當先子言越明年侯取此
翰紀之

續修廬州府志

卷十七

學校志

堯

祭器見州志

書目見州志

明吳國寶學田記歲隆慶壬申閩鴻臺趙公以名進士
來守濡須學三載弊剝盡剔吏畏民懷社倉樹矣學校
興矣學門闢矣古禮復郡乘修矣百廢具舉庶績孔和
既而謀諸類官曰吾祀廟而見登豆簠簋之弗飾焉籩
鼎爵錫之弗具焉吾恥之吾蒞學而見門堂棟楹之摧
圯焉齋庫廊廡之頽朽焉吾恥之吾接士而見有貧窶
空乏之不能娶生不能養死不能葬者焉吾恥之於是
取民之沒而入官名公田者凡二所一在南鄉五圖口
甲下七十七畝一在周興鄉二圖十甲九十五畝通計
之則百七十畝有奇請於撫按額為學田且為之約曰
自今伊始凡有歉於前三數事為吾有司恥者咸取給
於茲田歲入之穀仍鑄諸石碑以垂永久維時師儒若
學正王君元卿訓導王君和周君祖濂王君家聘諸生
劉子崔沈子輔等思以記公之績乃相率而屬記於余
余喟然歎曰於懿哉茲舉也於飾器見禮祀之禮焉於
葺學見豫事之敬焉於周士見振窮之惠焉一田置而
數善備矣吾郡守自明興來以賢稱者不乏未聞有置
田於學者置田於學自公始然公所以望師儒之意則

有大於此者夫士之於學猶農之於田也農於田而弗耕耕而弗耨耨而弗底於穫是惰農也士於學而弗講講而弗習習而弗底於成是惰士也農而惰焉失其農矣士而惰焉尚得爲士乎哉記曰修禮以耕之陳義以種之講學以耨之本仁以聚之播樂以安之此治心之法也詩曰無田甫田維莠騶騶孟子曰人病舍其田而芸人之田此務博之弊也孔子曰言寡尤行寡悔祿在其中矣此爲己之效也師以是教弟子以是學是謂無惰無惰則吾心之田弗曠弗曠則所知高明所行光大高明光大則裁成輔相彌綸參贊皆從此出士而至此可謂成矣以是較農之獲奚帝什伯千萬若然則公之所以望師儒者詎不大與於時師儒僉唯唯曰是足識公績於不誣矣遂書之以爲記

社學十三所在城五鄉八今圯

義學州牧陳炳同治十一年捐廉在四門建設四所延師訓貧家童幼又州牧吳濤光緒元年捐廉在南鄉建設十所亦延師訓貧家童幼

續修廬州府志 卷十七 學校志

七

巢縣

縣學舊在縣治右宋紹興知縣江瑄建趙登善繼之次第振興元末兵燹明洪武初桂廷用重建成化教諭陳瑞訓導桂漣請建尊經閣知府李崙成之嘉靖間遷學於慈氏寺萬厯中巡撫吳桂芬過巢以舊址勝新捐金倡州縣協助復還故處府同知孫化龍知縣陶九韶馬如麟鄒得魯教諭徐宏泰王彝章前後增葺明季大半傾毀

國朝順治丁酉教諭魏侯聘銳意修舉伐木告神明倫堂賴以不墜康熙己酉以後重修者知縣于覺世訓導車之垣乾隆四十七年知縣史必大教諭李景堂訓導葉

時鳴以紳士議詳請改建於尊經閣之址据臥牛山之陽面大秀山規制宏壯歷知縣徐日簪莫宗蔭左輔許肇封魏象彩相繼董率陸續修造成豐三年縣學與縣治均遭兵燹燬廢合學生員請以縣治故址改建學宮同治五年知縣蔡家馨合鄉城量力勸捐繼之者知縣陳炳方家藩盛安共捐錢一萬九千五百五十千文建大成殿大成門崇聖祠明倫堂東西兩廡泮宮皆次第工

竣邑紳楊昌言崔瑩查光明督建

宋焦抑巢縣學記朝廷崇先聖育人才郡國皆有學今所至咸盛獨養士之源起於縣帥者荒蕪弗治當誰執其咎耶南巢居道之衝控湖之襟行者雲集居者鱗比一壯邑也抑以紹熙癸丑到官謁廟之初僅有堂殿詢訪本末有告予曰是學始建於前任江公瑄迫於受代餘則委於後人因循怠弛以迄於今予應之曰廢興在

續修廬州府志

卷十七

學校志

七

時賢否在人適時之興遇人之賢事無不濟迨至甲寅邑大夫趙公來臨顧瞻興嘆欲繼成之值歲海飢縣帑空虛未易舉於是行寬政節浮費權其事之先後隨其積之厚薄而施設焉民方艱食流離盈道公設粥以待飢者繡衣以其事傳檄九州所活不知其幾萬人橋南有隄延袤五里一雨則民病涉公以粟募民運石以甃所利不知其幾萬世兩雪祁寒念民無以為事育也則周之歲時享祀念民無以供粢盛也則周之民之生公之賜也語曰既富矣又何加焉曰教之乃悉意於學校之事而建學之校於是興焉明年建齋舍八間又明年立戟門起兩廡以繪崇祀墉牆階砌為之一新聖殿講堂復加塗墍至器皿牀榻之屬莫不纖悉畢具凡此支費皆取辦於樽節之餘毫髮不以擾民也先是職事生員無肄業之地而絃誦寂然公乃盡號召閭里之習文藝者混試於學棘牆鎖戶彌封騰錄悉如秋試之法凡與選者必在學以奉職朔旦升講則有講書之職日用出入而無子衿之刺非在學不得破供而無素餐之譏數載飲食又悉如侯泮之法自絃歌之聲不聞而簿書期會日不暇給十室之邑有留心學校如趙公者亦難其人矣學職一日謂予曰是學始於江公而成於趙公其有功於名教甚厚不可以無傳請予誌其事昔僖公

修泮宮而史克有詩子產不毀鄉校而昌黎有頌今既受其事悉其顛末雖欲不書得乎書之之意非私於二公也實有望於來世也書不云乎若作室家既勤垣墉惟其塗墍茨若作梓材既勤樸斲惟其塗丹雘不然視今爲何如趙令尹名登善字從之慶元三年九月九日記

明潘鏜重修儒學記自古有天下國家之責者未始不以興學育才爲首務粵自三代以至今茲雖其間隆污分合衰盛之不同大抵存乎其人理亂因之也嬴秦破壞先王遺制亦以法令爲師而鄉舉里選之法廢自時厥後卒不能復嗚呼是豈古今異宜而竟不可行也耶我聖祖以戊申開國明年詔天下立學其規制大較有文廟有明倫堂有廡有齋門有列戟有儒星享神有廚有庫省牲有所棲士有館公廩有藏自國都以及郡縣無不然者巢爲畿輔內地舊亦嘗有學中間廢興惟厥侯哲愚洪武初建於桂侯廷用永樂間修於王侯甯成化中教諭陳君瑞訓導桂君捷請闢學宮之後之淫祠爲尊經閣宏治末謝侯俊更新之正德初南海何侯文邦始建射圃於閣之左而規制略備矣今侯來宰茲邑維時正德癸酉祇謁之初顧瞻廟貌弗稱乃節縮浮費隨宜擘畫而相以俸資遴選義民之才且慎者董其役於是乎植其圯者培其薄者易其朽者新其故者壯麗

續修廬州府志

卷十七

學校志

圭

其漫漶剝落者不匝歲端嚴深規渠渠翼翼稱其爲學宮矣又相地之形勢廣狹而更張之創企德堂於戟門之左會饌堂於尊經閣之右名宦鄉賢並祠於大成殿之東西義路禮門標表於明倫堂之左右凡此皆古人所無他如新神厨新儒林門新射圃又極觀美殊往昔至是則凡規制所得爲而缺典於前者煥然大備矣是役也經始於正德甲戌冬暮落成於乙亥仲冬博士林君文焯輩具事之顛末遺生員劉敬先胡傳乞記於予夫天下風俗之美惡存乎人心之淑否在乎教庠序也者所以淑人心化風俗之地也程子曰古之仕者爲人今之仕者爲己嗚呼今天下之人牧其能以刀筆笥篋爲先務者幾何惰者假勞民之辭棟折椽崩而會莫之或顧黜者往往緣是以便其私圖尚忍言哉尚忍言哉若茲役之成民不告勞財不稱費致隆於觀德報本之地而默運夫養賢正俗之機雖古良吏亦不多讓夫豈直知所先務而已二三子游息於斯蓋相與砥礪奮發以聖賢自期希顏亦顏希舜亦舜他日出而用世自吾心之所得者而推之沛乎有餘地矣賢侯今日之所望於二三子者豈不在於茲乎豈不在於茲乎侯名景暘字仲升河南信陽人其他善政悉可書紀其大者餘則略

明葉逢春巢縣重建儒學記古者鄉黨皆制塾序羣子

弟於中而教之故子夏云君子學以致其道獨學而無友謂之寡陋君子鄙之故學猶百工之肆也百工居肆而事成君子居學而道致而後之解者昧其旨則不通於古人尊師取友之義矣明興倣古教學之意每郡邑皆置學拔其子弟之才者置其中每學置博士數員以教之月有課季有試歲有校故人人向學持孔孟之論為依歸毋敢為異說其有語不本於經術者皆勿與登進以故二百餘年人材追古為國家實用而致斯昇平非偶也巢為廬治邑故學址在邑治右正德中遷慈氏寺嘉靖間會撫臺吳公行部至縣謁學宮訝甲科之寥落疑眸者久之謂故所廢學址勝於遷所即命輸公帑五百金令復其故已請於各院咸報可助以官鏹共茗干維時李令世隆始其事後陳令經言踵成之始於萬曆三年秋九月以萬曆五年冬十月竣前為先師廟後為明倫堂又後為啟聖祠祠左右為名宦鄉賢祠前為敬一亭廟左右為兩廡前為戟門為泮池又前為櫺星門外為畫屏為雲路街明倫堂左為造道齋稍後為教諭衙右為進德齋稍後為訓導衙視舊址移前數十武先是學宮肇建獨尊經閣尚缺陳君復捐官資及申請公帑而成之乃率諸博士弟子員請記於不佞不佞無他持說為多士蓋試以該學之遷復教諭之聞之學士先生云佛老之害甚於楊墨夫故學之址本善也已而

遷於慈氏寺是所謂逃儒而歸之佛也今茲反其故所斯得孔氏之宗旨六經之要歸曩迷途曲徑者殆引而致之大道覺衢矣余向所稱引學以致道也夫笠之勿售學而為枯槁詎霖雨將至不若笠之為愈矣今聖天子力黜元虛敦尚儒實舍其中庸而逃之為禪空以重違明時之旨似不若反而求之故所學者為愈也爾多士其尚述本旨勿為空談務當諸君遷學之意以祇承聖天子作人之雅哉

明陳楷尊經閣記巢縣學背之高耶舊為五顯廟所據廟之棟宇雄偉壯麗俯瞰巔宮凡邑之祈禱佚遊者率由講堂徑入妖巫邪覘不逞之徒淫媾喧囂鉦鼓之聲自且達暮大為絃誦之病成化丙申蒲陽陳君瑞典學政心欲毀夫子之宮而可以妖淫溺之乎闢邪翼正吾嗚呼曾謂夫子之宮容緩耶與陳君協謀明年上其事於徒分內事斥之奚容緩耶與陳君協謀明年上其事於府業得請令李進者膠於巫史禍福之說固執為不可陳桂二君義形於色躬率諸生臨其象即顏且構他事以加害桂亦條其不法數事與相持巡撫都憲張公瓚下其事於郡委府倅解敏以勘解與令同里開佐彼以抑此而桂愈不屈乃大肆酷暴以凌之隨斃於杖下其子聞諸朝李以憂死解亦抵於法而廟之土宇終歸於

學於是學官尊經有閣諸生棲息有址絃誦洋洋大非
昔比羣弟子思慕不忘微余記之余惟尊經以重道也
闕邪以衛道也以重道之心為衛道之計郡邑大夫正
當鼓舞誘掖之不暇顧乃倒戈以相攻曾不知其所遊
非聖門所讀非孔氏書乎朱子有言不能攻討而又倡
為不必攻討之說抑獨何心哉桂君所學所蘊吾徒平
昔所畏者不得一有所施而竟為奸邪所害惜哉雖然
桂君死而閣獨存然則此閣其桂君之甘棠乎見閣猶
見桂君也矧閣以載經經以載道諸生登斯閣者講焉
習焉辨焉思焉究焉道於心體是道於身蘊之為德行
措之為事業使是道之載於經是經之載於閣在我而
無餘此尊經之實也此二師立閣之盛心而桂君之死
猶不死若徒以是閣為觀視之美以是經為誦說之具
而不能體諸身尊經云乎哉傳曰尊者恭敬奉持之意
學者勸諸

葛遇朝重修儒學記

今上龍飛之十有四年秋

通知劉公來署縣事下車見學官蕪蕪堂廡傾圮與學
博魏君謀撤而新之魏君遂捐俸為士民倡因周咨邑
薦紳暨闔學弟子員出財鳩工以次年之孟夏始其事
閱四月乃竣厥功勒石以紀徵文於余余惟先王治世
之法學校居其大端此有司教之任者所貴飭其名以
勵其實也夫造士俊士之典與三年九年之序周官蓋

續修廬州府志

卷十七

學校志

齒

詳哉言之陵遲以至於其季而求所謂百里一士千里
一賢猶寥寥不少概見何也意亦人貌榮名治徒文具
沿陋就簡而不一鄭重其事遂無復舉膠庠於彬郁之
隆乎嗚呼其所由來者漸矣居巢山水甲江以南南士宿
肆菁莪之雅質有其文獨兵興以來澤宮鞠為茂草雖
師儒鳧藻人文豹變而歲時釋菜躡躅俎豆之前春秋
鼓篋徒倚皋比之側前乎此者游談聚議重折枝而輕
築舍誠不乏人大都因循末流直舉壤置之乃今則官
庭翼翼邑人士咸懽欣道悅攜持以至以得學其中為
樂矣夫耳日隘而志氣曠輪奐新則觀瞻肅此魏君與
邑人士煥然更始也豈啻名焉已乎雖然君既不以名
求之士何不可以實應之如使居於其地徒曰學耳將
不絃誦飲射之圖而且為謀利計功之事不藏修息游
之務而祇為溺心滅質之資是且唐肆乎仁義之途而
禮園書圃猶之遺簪也吾恐虛聲白望不免漢處士之
訥而即起而在位且來衰周茅鷗之歌矣彼君師所以
命之教與夫吾之願諸君子居業樂羣觀夫梁棟在上豈
諸君子之心哉予願諸君子居業樂羣觀夫梁棟在上豈
符籙在懸若親聆金石絲竹之聲陶淑於其間行見篤
實輝光而日新其德周士雖多猶不足矜於有道之門况
兩漢以下乎如是則處為真儒出為名世論者當無所
求於士且以頌今日締造之功為不朽也詎不盛與

教諭訓導署同治五年改建學宮右首

西門城內舊學署基址緣學師吳公遐昌於光緒元年五月間因新建署內屋宇窄狹與紳商酌添造客廳兩間經費俱係移用詎告成後吳學師病故旅櫬無力搬回先以難償添造之款其弟吳世昌具稟求兩學代為設法蒙縣憲諭飭陳寶珏單之祜周人俊等妥為計議奈無款可籌不得已各學商議願將城內學署舊址會同學師李公估值時價洋帛二十二元出賣與文生潘瑛名下其洋價當交吳世昌收以償添造之款光緒二年四月十五日金縣憲批據稟各情業准儒學移請立案矣

名宦祠在明倫堂之南

鄉賢祠在明倫堂之南

忠義祠

節孝祠在儒學西齋

文昌神舊無特祠即祀於尊經閣天順間設像紫微觀萬

續修廬州府志

卷十七

學校志

七

歷知縣馬如麟建祠學西康熙知縣聶芳改於牛山之

巔二丁仍就學西舊祠致祭

魁樓在樞星門左崇禎庚午教諭王彝章建亦以二丁

日祭

土地祠舊在學西 文昌祠後今移於左

祭器見縣志

書目見縣志

學田詳見縣志

社學十九所在城七在鄉十二知縣王鑑周思充馬如

麟林宗哲先後增設

學額

漢武帝始興太學元朔五年置博士弟子員前此博士雖各以經授徒而無考察之法至是官始為置弟子員

文獻通考

唐制大都督中都督府上州各六十人下都督府中州

各五十人下州四十人上縣四十人中縣中下縣各三

十五人下縣二十人州縣學生州縣長官補長史主焉

每歲仲冬州縣館監舉其成者送尚書省文獻通考

元世祖至元二十五年尚書省臣奏令江南郡縣學田

所入羨餘儲集賢院以給多才藝者從之元史

二十九年詔江南州縣學田其歲入聽其自掌春秋釋

奠外以廩給師生及士之無告者元史

續修廬州府志 卷十七 學校志

美

明洪武二年詔府州縣皆立學府學四十人州學三十

人縣學二十人日給廩膳明史選舉志

三年詔學田所入皆入官以給師生廩餼明史選舉志

國朝順治四年定各省儒學視人文多寡分大中小學取

進文童大學四十名中學二十五名小學十二名武童

科歲并試額取府學二十名大學十五名中學十二名

小學八名又定直省各學廩膳生員府學四十名州學

三十名縣學二十名衛學十名增廣生員名數同

十五年題准直省取進文童府學二十名大學十五名

中學十二名小學八名

康熙九年題准各直省取進童生大府州縣仍舊中學

十二名小學或八名或七名
三十八年奉

特旨江浙兩省府學大學中學小學各增取五名舉行一次
雍正二年議准安徽所屬合肥無爲改爲大學各二十
名廬江舒城改爲中學各十六名

十三年定廬州分設直隸六安州酌減廬州府學文童
三名武童二名撥歸六安州

是年

恩詔廣學額大學加七名中學加五名小學加三名

乾隆十六年奉

特旨安徽江蘇浙江本年歲試文童府學及州縣大學增取五

續修廬州府志

卷十七

學校志

七

名中學四名小學三名舉行一次

二十七年奉

特旨江蘇安徽浙江本年應試文童府學及州縣大學增取五

名中學四名小學三名

三十年奉

特旨江蘇安徽浙江本年應試文童府學及州縣大學增取五

名中學增取四名小學三名

四十五年奉

特旨江蘇安徽浙江本年應試文童府學及州縣大學增取五

名中學四名小學三名

四十九年奉

持旨江蘇安徽浙江本年應試文童府學及州縣大學增取五
名中學四名小學三名

六十年奉

恩詔各直省增廣學額大學五名中學四名小學三名

嘉慶元年奉

恩詔廣各省學額大學七名中學五名小學三名

四年

升配禮成

恩詔廣學額大學七名中學五名小學三名舉行一次不著爲

例

二十五年奉

續修廬州府志

卷十七

學校志

表

恩詔廣各省學額大學七名中學五名小學三名

道光元年奉

恩詔廣各省學額大學七名中學五名小學三名

咸豐三年奉

恩詔廣各省學額大學七名中學五名小學三名

六年以地方捐輸團練等項由督撫學臣奏請

詔廣文武學定額合肥縣加文武額各三名廬江縣學加文武

額各三名無爲州學加文武額各三名

同治元年奉

恩詔廣各省學額大學七名中學五名小學三名

同治三年江蘇巡撫李鴻章奏皖省各府州縣捐輸銀

壹百四十二萬八千兩請加安徽省文武鄉試永遠中額四名廣一次中額四名并加學額奉

旨准加廣合肥縣文武學定額各十名廣一次額各十一名廬江縣文武學定額各一名廣一次額各三名舒城縣文武學定額各一名廣一次額各三名無爲州文武學定額各三名廣一次額各三名廣一次額各一名巢縣文武學額各三名廣一次額各三名

同治五年署兩江總督李鴻章奏准軍統領總兵張紹棠鄭國魁等報効軍餉銀三十萬八千八百兩請加安徽省文武鄉試永遠中額各一名并請廣學額奉

旨准加廣一次文武學額各四名

續修廬州府志

卷十七 學校志

堯

五年奏請廣文武學額奉

旨廬州學四名合肥縣學五名廬江一名舒城二名七年奏請廣文武學額奉

旨廬江縣學加定額八名無爲州學加定額四名

同治八年湖廣總督李鴻章奏准軍統領劉銘傳報効軍餉三十一萬四千五百兩請加安徽省文武鄉試永遠中額各一名并請加廣學額奉

旨准加廣一次合肥縣文武學額各三名

同治十年直隸總督李鴻章奏准軍統領周盛波周盛傳等報効軍餉三十二萬兩請廣安徽省鄉試中額三名并請加廣學額奉

旨准加廣一次合肥縣文武學額各二名

廬州府學額進二十二名係原額廩生增生各四十名一

年一貢武生學額進十八名係原額

合肥縣學三十三名原額二十名咸豐六年加額三名同治四年加額十名廩生

增生各二十名二年一貢武學二十五名原額十二名咸豐六年加

額三名同治四年加額十名

廬江縣學二十八名原額十六名咸豐六年加額三名同治四年加額一名七年加額八名

名廩生增生各二十名二年一貢武學二十名原額八名咸豐

六年加額三名同治四年加額一名七年加額八名

舒城縣學二十一名原額十六名同治四年加額一名五年加額四名廩生增

生各二十名二年一貢武學十三名原額八名同治四年加額一名七年

續修廬州府志 卷十七 學校志

平

加額四名

無為州學三十名原額二十名咸豐六年加額三名同治四年加額三名七年加額四名

廩生增生各三十名三年兩貢武學二十二名原額十二名咸

豐六年加額三名同治四年加額三名七年加額四名

巢縣學十九名原額十六名同治四年加額三名廩生增生各二十名

二年一貢武學十五名原額十二名同治四年加額三名

考棚

廬州府試院原建在南門大街西書院巷順治中知府

崔允宏建立有碑記咸豐三年燬於賊同治六年將地

基移建縣學即將縣學舊基移建試院即前街落水橋

是也七年冬大學士肅毅伯李鴻章赴鄂督任過里面

飭知府洗斌仍照修建府學章程五屬按畝捐集修費由縣徵解濟用諭李蘊章戴昌言劉步青等監修棚塲改舊制均以南北立向號棹坐凳悉用石腳以垂永久較舊制宏敞圍牆兩旁另由各紳捐修防雨公舍共九十二間各立石碑又將修費餘銀二百兩交舖店生息以資看守察院公舍二人口食及歲修小費先是同治三年前署縣桂中行任內有毛姓住屋被某姓賤買互控經戴昌言勸解稟由廟田租穀變價給銀五十五兩房屋歸公當假釐局暫住嗣釐局遷移屋多傾圮又由察院修費內撥給工料修整舖面連後路二重歲可得租錢八十餘緡歸每屆歲科辦考之費如有盈餘卽留

作察院歲修工費

廬州會館建於京都西珠市口驛馬市大街坐南朝北計屋一百數十餘間贈大學士肅毅伯李文安官刑部郎中所倡建集費監修事乃就緒時道光十九年也同治間其子瀚章鴻章復捐鉅款擴充之并存公項以資歲修之費用成先志先是大學士李文定天馥官京師時曾構廬州會館後乃佚其處自文安重建後鄉人士之應京兆試者始得所棲息焉

廬州試館在京都內城貢院之東首隔壁廂正房屋百間大學士李鴻章湖廣總督李瀚章合同鄉諸仕宦共捐資建造

合肥試館在江甯府城大小兩所屋宇三百餘間係今
福建巡撫劉銘傳勸同鄉士官共捐資建造以同治庚
午落成

廬江縣考棚在大西門內同治中邑紳王華吳長慶捐
建

舒城縣考棚在縣治東道光十五年知縣吳士良建成
豐初兵燬同治二年諸生高肇麟等倡捐四年知縣延
齡率邑人修復

無爲州貢院今廢

宋王藺無爲軍貢院記淳熙十二年夏余爲尚書吏部
侍郎郡鄉校諸生宋霖等以書來告曰吾邦新作貢院成
請紀之值余以憂歸不果綴文因循今九年矣士風日
盛去秋大比試者千餘人院之兩廡又不足以容而席

續修廬州府志

卷十七

學校志

全

屋窘於風雨郡守周侯泌謂郡博士錢萬頃曰聞貢院
之創費皆出於邦人今不欲復爲邦人費乃捐帑廩之
餘錢餘粟而增葺之於是錢君率諸生申記之請余不
得辭無爲當承平時以景福寺爲校藝之所中更建炎
兵火庶事草創淮上往往合數郡爲一試無爲亦附旁
郡紹興丁卯始建置科場而景福已殘破因權就軍學
自是學舍三年必一拆毀試既訖事官司漫不加省修
補滅裂積以頽敝士子病之久有貢院之議而當官者
憚煩莫爲主盟會稽石崇昭慨然任其責邦人踴躍從
之乃相與度地得學之東偏陰陽爲宜而地屬賈氏請
於郡易以通判廳之故基又以學之田易其旁任氏張
氏之地以廣其址起於淳熙十年四月十六日至七月
次年之冬十一月至十二年夏四月乃克就緒凡爲屋
八十一楹監考有位對瞻有所廊廡深明門牖嚴固院
之內外所當設置無一不具總其費爲錢三百四十萬
有奇也而粟不與焉是役也成於石君而經營督於其
間則學之錄陳天啟也今周侯復闢其地廣其垣增屋
四之一通前一百有九楹邦人未及知而事已集爲千
里之政而崇化勵俗者三舉不爲後生皆知勉於爲學黨
取士其登名桂籍者三舉不爲後生皆知勉於爲學黨

庠家塾師友益親蓬戶華門絃誦不絕繼是獻賢烝髦
出爲邦家之光而不徒於世取祿者皆郡之士鄉曲之
榮也

巢縣考棚建在定林寺舊基光緒五年知縣童增錦因
縣試閱卷無所添造南邊房屋三間北邊三間大堂背
後北邊房屋三間廚房四間後面圍牆一道計用洋蚨
四百元有奇監生王文植捐洋一百元知縣童增錦捐
廉修造完工

書院

廬陽書院原建在郡城東南隅康熙四十四年知府張
純修創建先名橫渠書院門堂講舍僅十餘楹乾隆十
四年無爲有互爭葦蕩之訟知府蔡長澗詳請歸入書

院歲入租四百有奇遞年增至八百二十九兩八錢以
供經費十五年知府趙瓚添建堂十三楹廡十楹並購
經史諸書猶慮師生膳脯不敷捐俸倡議紳士欣然響
應得白金一千兩有奇以七白金於合肥縣南鄉五十
里舖置田弓二十六石歲入租一百二十石因瘠薄遞
年減免現征租六十石餘銀二百一十兩檄發合肥交
典生息歲解息銀五十兩零至十九年合肥捐職州同
李植捐田一莊與五十舖之田毗連每年租稻三十石
又於四十一年合肥捐職州同陳嘉鸞捐田一莊坐落
西鄉五十小廟每年租稻三十二石以充膏火之需嘉
慶五年知府張祥雲復改置正誼堂修整牆宇添備器

物增取正課外課肄業生徒倍於往昔咸豐間燬於賊
先是小東門內有考棚一所亦於咸豐三年被賊燬同
治元年知府唐景皋知縣桂中行勸邑紳褚開泰倡捐
瓦屋五十四間集資重建光緒五年經紳李鶴章張清
沂王尚辰等請就考棚餘房增修改為書院有大學士
肅毅伯李鴻章書匾懸院

郡守趙瓚碑漢文翁為蜀郡太守見蜀地僻陋乃選子弟開敏有才者親自飭屬遣詣京師受業博士數歲皆成就還歸文翁以為右職次第察舉官有至刺史郡守者文學之盛至於齊魯比余每讀至此不禁穆然嚮往謂化民成俗必由於學要在於師帥之責者修廢舉墜鼓舞而振興之斯一方之風氣有以潛移默轉而無難者我國家聲教翔治文治日隆自國都至於郡邑咸建廟學專官列職為長育人才地復有書院之設延山長課生徒以佐學校之所不逮名都勝地修建林立而廬郡闕焉獨無其有待於建設蓋亟亟矣康熙乙酉前

續修廬州府志

卷十七

學校志

全

守張公建橫渠書院於城東南隅門堂竈奧僅十餘楹不足以棲學徒後之守者改稱廬陽書院亦僅存其名而已歲在己巳漳浦蔡公來守茲土雅意作人適濡須有互爭葦蕩之訟力請上憲歸之書院歲入租四百有奇以供經費甫從區畫旋調守雲間以去亦未遑擇師選徒既講誦之實也迨及庚午余承公後周覽院中屋宇無幾乃首先從事及葦蕩數歲之入次第建堂十三楹廡十楹繼購經書子史數千卷其他庖福器用之需無不略具猶慮師生膳脯資費不敷首捐俸以倡五屬之長暨紳士樂施者咸欣然響應得白金一千兩有奇以七百餘金於合肥邑五十里鋪置田弓二十六石命之日耨學書田歲入租穀一百二十石贏二百餘金付商收子錢以裕費用於是書舍增書籍富膳脯亦稍充書院之規模遂以具備乙亥夏檄召五屬生童扃門命題手自甲乙拔其尤者舍之於院延請名宿朝夕講貫余暨邑令學博按月課試之獎其勤策其惰秋螢冬雪絃誦斐然多士蒸蒸耆老歎惜郡之有書院實自今日始雖限於經費諸生正課無多膏火之額尚未寬裕而異日之踵事擴充故易為力噫嘻間攷郡志宋明兩朝五登鼎元國朝初年兩舉解首人文向稱極盛固非僻陋之郡可比迄於近歲甲乙科雖不乏人而晨星落落不能繼美往昔豈地氣之更遷與風俗之轉移與抑

或學者用力專勤有不逮於往昔與諸生誠能整躬飭志文行交修不紛於外誘不輟於半途既專且勤何患所業之不成就鼎元解首皆分內事耳詎古人之萬一而區哉余忝茲守土化民成俗未能仰繼古人之緣起及年來區區屬望之殷無時或釋故備述書院之緣起及年來區區畫之次第若其不偶然也諸生尚其懋勉哉張公諱純修奉天人蔡公諱長濤福建漳浦人皆經始書院者也例得附書鐫石於壁今此後有所攷

崔允宏書院碑記廬界江陞開稱形勝地其風俗武健尚氣節其士工文詞其賢者卓犖樹奇績余膺命監輯皖蓼三載於茲境內晏安無兵革每視事暇未嘗不喟然歎興於學也曰嗟乎士折節讀書致身通顯上之為天子論道備顧問以輔經術下之起衰振敝微言大義著白當世傳之其人非止執數寸之翰馳方寸之紙爭先捷出為制舉之業也昔之君子得志遇時舉天下惟吾所為其斷大事決大疑皆非尋常意計之所及者春秋數語定變立譚飛龍一章開治累世夫豈取辦倉卒既貴而後議哉其所為期者預而所為習者素也後之君子實未至而惟名之求置經義不講廢聖賢經學不道闕有閒矣功烈亦往往遜焉意者作之無人教之無其地與蓋作之之道古有以長吏為黨塾正句讀下經義治事之式於郡邑而俊秀從風是也教之之

道古有結楹著書而儼居皆徧築室山中方數千里歸之是也作之無人教之無地此邦之士於何考德而問業其欲聞古人之言見古人之事孰開而孰法將見斯道之終闕也吾甚懼焉爰是闢城南構書社設講堂鳩工庀材浹歲而成庶幾士君子之游息其中者考德而問業問古人之言見古人之事以志於古也出而觀焉則先師廟貌禮器之式臨包孝肅清風偉節之所左右也入而觀焉則絃誦之所依辨難之所生也道之明其有日乎雖然書院之來久矣唐多以藏書名宋多以為實也必也求所以致博致精者與賢士大夫高才生揖讓鼓舞被服而不倦究同異之歸明義利之辨則向之所稱氣節文章當日益進功名垂於無窮是在今之君子矣

廬陽書院題匾後跋廬陽書院向在郡城小東門內粵匪之亂毀焉克復後郡人褚君開泰以舊屋在四牌樓者捐作書院規模粗具日久復形朽壤光緒癸未年李筱荃制軍少荃爵相商之黃冰臣太尊與同鄉諸人士捐貲修整添建齋舍為諸生肄業之所而延續熙主講席竊維書院之屢廢復興不惜巨資以營之者莫非良有司鄉先達培植後賢之至意續熙願與我諸生朝夕切憐庶幾無負於萬

一云沈續熙謹題

廬陽書院經費舊有紳捐田租若干石無爲州蘆課銀八百餘兩兵燹後課徵缺額前知府唐景皋委紳赴州清查暫定歲解蘆課六百兩俟開熟再照前額徵解所有廬州廢寺無僧廟田暨從賊逆產田房皆查明充入書院並經大學士肅毅伯李鴻章捐湘平銀一萬兩委紳劉步青戴昌言添置田房租利以作書院生童加給獎賞之需光緒五年復經甘涼道李鶴章等請提廣益局育嬰堂田租一千五百石暫歸書院以濟膏火正學書院在縣學西明嘉靖間督學耿定向知府喻南嶽建內有敬一廣居大成三堂志伊學顏二軒別置田三莊又名廬陽書院

孝肅書院在合肥城南濠內香花墩明宏治間知府宋鑑建以祀宋包拯嘉慶中御史楊瞻重修南岸建屋數楹以居其子孫今其地改爲包公祠

安徽通志

肥西書院在合肥西鄉大潛山馬跑寺邑紳劉銘傳張樹聲周盛波丁壽昌公同捐建并捐有市房田畝以備肄業生童膏火之資

以上合肥

崇正書院在廬江縣西北鄉邑紳提督王占魁及其子寢長捐建

安徽巡撫裕祿原奏附再據廬江縣紳士江蘇補用縣丞許安邦等聯名呈稱廬江縣西北鄉舊有妙光寺一所兵燹後屋燬無存邑人議就寺基改建書院苦於經費難籌該邑紳士遇缺題奏提督王占魁情願捐貲獨力舉辦購料鳩工建造正屋二十七間名爲崇正書院並捐入田種一百二十石五升俾資膏火工程甫就該提

督旋卽病故其子江西候補知府王寢長仰承先志復續捐田種六十七石八斗五升擴充經費以期持久統計工料所需及原置田價兩項共銀七千一百七十餘兩呈請立案議定章程擇董經理等情由藩司盧士杰詳請奏獎前來臣查廬江縣已故提督王占魁獨力輸費捐產就本籍廢寺基址修建書院以崇正學其子寢長亦續捐田畝善繼父志合計工程田價共銀至七千兩有奇洵屬見義勇爲有裨風教核與建坊定例相符應請旨將已故提督王占魁准照例建坊給予樂善好施字樣以示旌獎謹會同大學士兩江督臣左宗棠安徽學政臣徐麟附片具陳云云

崇文書院在學東明末燬於寇

蓮溪書院在城南久廢

毛公書院漢毛義讀書處在縣東北

楊林書院邑紳朱紱所築在白湖東

水濂書院在南門外今久廢

續修廬州府志

卷十七

學校志

七

潛川書院在城內鐘樓橋西街照牆一座大門五間二門樓一間廳後書房各六間講堂五間堂後左右廂屋各二間後堂五間祀先賢朱子位乾隆三十一年知縣李天植邑紳吳崇誥王昌儔哀費卽察院舊基並買民地創建兵燹後僅存大門五間二門樓一間正廳五間邑紳重修葺之以上廬江

附書院田

一知縣李天植捐廉置中吳橋田七十畝每年額租七十石 一邑紳吳崇誥王昌儔陳大起捐王老人橋田三十七畝五分每年額租三十七石五斗 一紳士盧惠捐陸家岡田二十四畝每年額租二十四石 一汪

和九捐八窰山田二十二畝八分七釐每年額租二十
二石八斗七升 一劉歐氏捐楊柳圩田六畝每年額
租六石 一八窰山田四十九畝四分每年額租四十
九石四斗 一新圩田五畝五分八釐每年額租五石
五斗八升四合 一新圩田一十一畝九分三釐二毫
每年額租十一石九斗三升二合 一新圩田五畝五
分八釐四毫每年額租五石五斗八升四合 一新圩
田四畝五分六釐四毫每年額租四石五斗六升四合
一新圩田四畝五分六釐每年額租四石五斗六升
一新圩田九畝一分二釐八毫每年額租九石一斗二
升八合 一新圩田四畝五分六釐四毫每年額租四
石五斗六升四合 一新圩田四畝五分六釐四毫每
年額租四石五斗六升四合 一白雪圩田二十九畝
三分每年額租二十九石三斗 一白雪圩田三十五
畝二分每年額租三十五石二斗 一梅山圩田一十
四畝八分每年額租一十四石五斗 一八窰山田四
十六畝每年額租七十二石 一八窰山田八十一畝
每年額租九十石一斗五升 一窰埠河田四十八畝
每年額租四十八石 一卜家嶺田一十六畝每年額
租二十二石 一卜家嶺田二十畝每年額租二十石
一南新圩田租七石 一丁吳氏捐崔家岡田租十八
石五斗 一丁吳氏捐夾山街田租二十七石 一計

世本捐北鄉鐵腳山田七十畝 一羅白岡田租十八石 一金家山尾田租六石 一八字口田租九石 一八里坂田租二十三石 一蜘蛛山田租十二石 一金貝段田租四石五斗 一湯池油坊並什器每年租銀四十兩 一南鄉灣腰樹田三十石六斗五升 一羅家沖田一十七石零五升 一西成圩田租五石 東鄉倪家圩田租十四石 一東鄉架上金盆田租五石 一北鄉雲台圩灘照分輸納草租

光緒六年知縣陸鼎敷稟准地丁平餘辦公項下每正銀一兩提錢十文以充潛川書院山長束脩生童膏火之費

續修廬州府志

卷十七

學校志

全

附錄廬江縣陸鼎敷碑示為錄批曉諭勒石永遵事照得士為四民之首士習克端則民風自能不變而欲端士習尤宜以整飭書院為首務查本邑潛川書院田產無多以致年僅四五課一暴十寒難得漸摩之益前經本縣重擬章程定於每年月課十次諭董延請山長以資啟迪惟經費浩繁每歲所入不敷支用若不籌定永遠章程何以裕經費而育人才查江蘇各屬前奉前兩江總督部堂沈通飭以青浦縣稟請每征錢糧正銀一兩於平餘辦公項下提錢十文作為書院膏火之資飭屬一律遵辦本縣援照辦理自光緒六年上忙為始每征錢糧正銀一兩在於本縣應得辦公平餘項下提錢十文以作書院士子之費業將辦理緣由通稟各大憲在案茲奉督部堂劉批據稟於應得項內分潤士林以資作育自是美舉第須妥定章程預防流弊不得派累花戶仰司飭遵又奉撫部院裕批據稟已悉仰布政使飭卽如稟辦理又奉布政使司盧批飭卽妥為辦理仍將收支細數按年造報查考並奉本府正堂黃批準如稟辦理各等因奉此除自本年上忙起於平餘辦公項下照提錢十文撥歸書院並嚴禁不准派累花戶外合行錄批曉諭為此示仰閣邑生童一體知悉此次通稟立案自係永遠遵行爾生童務各潛心砥礪力求進境毋負本縣栽培之至意也勉之望之特示

龍眠書院宋李公麟讀書處明德書院明舉人祝有年
建今俱廢正學書院知府張瀚建在縣署之東舒王祠
之西宋李公麟龍眠山莊故址元至順中知縣變理溥
化建揭傒斯記今廢

元揭傒斯龍眠書院記治民之道使民知禮義而已使
民知禮義先示其所尚而已民知所尚則知所向方哉
廬州舒城長變理溥化用湖廣舉首取泰定丁卯四年
進士第得茲邑督理學政咸用其學以教導民民始益
知人之所以為貴儒之所以為重而復知所以養生而
送死居二年曰民其可教矣乎於是又治地邑東得李
公伯時龍眠山莊故基於東禪寺舒王祠西嘗沒於寺
者據山川之會想昔賢之遊處乃會其祿入募工度功
作書院以事先聖先師以為出治立教之本不踰時而
成凡殿堂門廡齋舍庖庫及李公之祠為屋三十有六
楹以其面龍眠之山端巖奇峻能出雲雨膏澤天下榜
之曰龍眠書院旦示不忘李公之故而邑賢者范鳳瑞
割田二百畝以供祭養既告成於廟遂立之師進諸生
而教之凡民有來觀者必勸之以學是時上既撥亂集

續修廬州府志

卷十七

學校志

李

大命兵革未息飢疫未復郡縣長吏能以荒政自任且
不足遑知禮義之教哉而舒城則分財出粟之家惟恐
後民之強暴子弟一有弗若則父兄長老切責詬怒惟
恐見絕於長吏於此見民得其所所以生者也舒著於春
秋故山有春秋之山水有舒水始入於吳後併於楚其
民勇而好義非獨舒為然楚之地皆然故楚常為強國
最後宋室南遷賴其民蔽遮江淮幾二百年然當時學
校之教鬱而不施仁義之政厄而不行養生者不得盡
其歡喪死者不得盡其禮此非士之過長吏之責也今
吾君既昇爾以賢長吏一以詩書禮義覺爾民亦知
所尚乎若曰升其堂陳其器設其牲齊而行其典禮如
是而已此事聖人之疏節也非作書院意也舒之人尚
其助哉李公名公麟邑人博學好古舉進士歷刪定及
檢法官未老致仕蘇文忠黃文節二公嘗過其山莊故
合祀於堂之北是役也建始於天曆三年落成於改元
至順縣學之明倫堂亦其所建也是歲冬十月朔記
明秦民悅建龍眠書院記舒城南去八十里有山蟠亘
名曰龍眠宋儒李伯時先生居於此因以自號先生元
祐間第進士迄今一百六十有七年為宏治丙辰主簿
何君雍時授官於舒予首以書院久廢為言君本閩之
衣冠望族雅秀斯文欣然以為己任詢於故老其地復
為禪寺所併乃按揭文督令寺僧盡退於南宮北計十

六丈有奇東西半之復捐俸資市材陶瓦一毫不動於民經營間大尹蘇門張君寶適至亦急急以興學爲首務者遂相與謹度建立前後庭各四楹左右廂各三楹門房一座扁以舊名繚以周垣樸素宏敞巍然古跡之復存間井之人聚而觀之好賢之心油然而生況章甫縫掖之士乎肆惟祖宗創業垂統建學育才在在有之若無嫉於書院也然非靜無以成學古有是言近年以來篤志厭囂者私議有會講之例當夫景明物熙之時師友相率游藝於茲心胸灑然一塵不到明性命道德之美致君澤民之術所得不亦多乎史稱伯時先生傳學好古襟度超軼名士交譽之惜乎爲畫所掩如趙松雪蓋非後世之士所得而盡知之也今得何君興復表暴之又斯文之一顯哉吾黨之士修之於家用之於國此固列聖養士之盛心亦士之有待當如是也幸其勛之是役經始於己未年之十月落成於辛酉年之七月二尹濰陽劉君敏以記請予因次第其事付之刻石使後之人有所攷焉

崇文書院知縣王朝瑞建在縣治東今廢

文昌書院舊址在城東南隅觀音菴後爲義學督課之

續修廬州府志

卷十七

學校志

全

所知縣蔣鶴鳴有記乾隆三十八年知縣劉作垣移建

龍山書院西偏

龍山書院在城西南隅大街後乾隆三十八年知縣劉

作垣勸捐創建並定院內經費暨課士規修道光二十

六年知縣鈕福疇捐俸倡修並酌新章詳院志成豐中

燬於賊

以上舒城

芝山書院舊址在紫芝山宋時建明萬厯間詔鬻海內

書院地此山與焉掌州事府同知查志文虞屬民佃傷

地脈捐俸贖隸本學又以學宮湫隘將官地抵易民地

以拓堂基今圯

興文書院今圯

元王彬興文書院祠記公廬江舒人名字則未聞或曰名黨字仲翁漢景帝末為蜀郡守仁愛好義化蜀地僻陋有蠻貊風人不足學公選郡中小吏開敏有材者親自飭勵遣詣京師受業博士業成以為右職又起學宮於成都市中招下縣子弟以教之有為成以補郡縣吏其在學者亦皆獎勵禮貌之人見以為榮爭欲為學故蜀士皆篤於文行知性分所固有為臣知忠為子知孝為夫婦長幼朋友亦知有別有序有信焉繇是文風大振此第興學教民之一事耳其他善政有不暇枚舉噫公在蜀日吏民愛如父母敬如神明公歿蜀人思之愈久愈不能忘至為立祠設像歲時禮祭不絕其德化感人為何如公值秦滅經後教化凌遲漢初興挾書律雖除禮樂未遑獨能建學立師俾治教休明至武帝時令天下郡國皆立學宮後世設教官奉禮先聖先師實權輿於斯其有功聖門又何如祭法曰法施於民則祀之書曰以功作元祀若公之法與功見祀於後世固有不不得辭者欽惟皇元祀混一區宇式遵祀典凡前賢德業有關世教者許令從祀焉至順間同知無為事孛羅帖木兒欽承上意以公事蹟達諸郡府請祀不果至正間淮西進士余公廷心為御史復上其事達諸朝廷見九立院設官其院曰興文可謂知所本矣於戲自漢迄今千有餘歲不知歷幾代幾朝而褒崇功德竟無一人留

續修廬州府志

卷十七 學校志

三

意於斯豈時有未遑運有未逮歟將或氣數默定有待於今日歟則見我朝肇舉盛典又出於前王之右也至正五年僕會試春官不利於有司八年例署是院長奈茲院創設基地素無定所工用一切之務素無所儲為之者斯亦難矣時京師韓侯可久知是州以興舉學校為己任與監郡同知節判暨州院師士協心營度鳩工掄材肯堂肯構為堂四楹規制宏敞前門兩廡巍然屹立修廣與崇各若干尺崇陛峻陞贊以磨甃周圍垣墉覆以鮮瓦既完且美煥然一新誠可瞻仰然非但為觀美將以妥靈肅祀而已自是春秋朔望致嚴盡誠陳篋簋薦犧牲鐘鼓鏗鏘禮容陟降執事有恪也即工於至正八年春正月越明秋七月績成凡工傭所費釋奠所需與夫師生廩膳之給一皆出州學帑州之有院自此始吁侯退食之暇必躬督是役始終弗怠其用心勤矣講堂齋舍准是經營適瓜期垂代未及一理也繼守是郡者克踵前績未備者復舉未完者復修則學舍增崇有加今日矣經始年夏憲使王公繼志鞠四詣郡識獄之暇纂文化堂三字扁堂之額冬憲使李君公平行部按治肅政之餘撥廬江三公鄉民私占州學水田六十畝以為院學永業實皆作成而已後為使司者能紹二公之心則文永興田復加多矣雖然官之興學誠知為政之先務士之為學可不知所當務哉苟官為建學

立宮而土不務興文之道則遊居是院者將何為哉今
名院不惟曰文而曰興文其意蓋有在也夫興者不墜
振起之謂文者道之顯著之謂是文武周公孔子孟子
舜以是傳之禹禹以是傳之湯文武周公孔子孟子者
故曰文王既沒文不在茲乎蓋謂文王沒其文在孔子
孔子沒其文在孟子軻軻之死興是文者獨不在文翁乎
此名院之意在乎茲也文之為道大矣哉無物不有無
時不然在天為日月星辰在地為山川草木在人為仁
義禮智小則動息起居大則裁成輔相凡禮樂刑政綱
紀法度燦然煥然者無非文也人文之無古今運有盛
亦與天地相為長久是故時有古今文無古今地參為三
衰文無盛衰俗有澆淳蓋經天緯地之文非
錫民爵位與夫勤學好問等文可比也書謂敬敷五教
孟子謂皆所以明人倫同一揆也吁俾為師者以是而
教弟子以是而學庶不負有司與文之意勉勵之心則
文教興行可邁蜀郡亞鄒魯矣猗與盛哉是工也凡與
斯役暨一時儒士贊襄其事者亦皆不沒其名焉

新繡溪書院在西門大街同治二年州牧穆其琛買馬

氏祠改建五路二十三間並置桌凳以為生童肄業之

續修廬州府志 卷十七 學校志

所兼作試院以上無為

東山書院在東山下久廢其在察院東者特上官往來
駐節之所而已

巢湖書院在牛山舊為義學雍正十二年知縣朱謙建
乾隆八年知縣華湘涂甯先俱重修院中置田為延師
課士之資至今士人賴之咸豐八年以兵燹廢今將書
院並入考棚之中一地而兩用之巢邑無考棚由來已
久縣試則以縣治大堂並各科加以甬道兩旁搭蓋席
棚自備桌凳以進一遇陰雨纏綿擁擠異常與考者殊
多不便權宜從事數百年矣同治五年邑人士為善後
計欲別建考棚苦無其費欲別構書院又難得其基適

定林寺亦燬於兵荆榛滋蔓瓦石縱橫而基址宏敞規模擴大台學公議請於官知縣蔡家馨申詳各大憲倡捐錢三百千文署知縣陳炳亦倡捐錢二百五十四千文又鄉城共捐錢四千八百串零建大堂五楹東西文場四棚龍門一道平日則為講堂縣試則為鎖院一舉兩得董事陳寶珏湯履中錢文彬胡鶴林督建以上舒夢麟捐書院膏火田宅碑記邑書院踞牛山之脊有屋數楹風雨剝蝕梁柱將壓瓦鱗鱗墮地上大府歲薦山長鮮有至者教弛於上而學荒於下數十年於茲矣夫治民必先治士士之治不治視夫上之所為以為之應官以學倡之又董之以師儒視教其上如父兄之教子弟優崇其禮貌而鼓舞其志氣有不爭自濯磨者子夫使副墨維誦之子皆欣欣然知讀書之可貴而不治所以為學則士習端而士治而農工商賈無不治而治已蒸蒸然日進於古昌黎治潮文翁治蜀非其已事歟余以道光四年來令巢巢俗淳樸簡獄訟下車數

續修廬州府志

卷十七

學校志

書

月綱紀粗張乃進邑人士試於庭拔其文而秀者入書院肄業書院故無師月考季課自擁皋比與諸生論文講藝品其高下而甲乙之諸生既安余拙余亦樂為造就蓋興文教育人才必自書院始惟膏火缺如齋舍偏隘欲謀新者久矣邑紳李君邦鑫慨然以私田一業私宅一區直三千五百緡呈請捐於書院余嘉其意為申於上官夫分人以財猶謂之惠况篤念桑梓培植學校廣行其德者為何如矣邑山水甲江北靈秀之氣鐘焉諸生能養根族實藉良師益友涵育而薰陶之必有蜚英騰茂以蔚為國華者又余與李君所樂觀其成者也其田宅數若干坐落地址另泐石茲不載

附趙廷謨捐鄉試卷資田租

一卜廟柳樹巷大斛租七石五斗埃麥租五斗 一張

仙圩鮑家墘河斛租十石 一安城圩童家跳河斛租

六石

附刊舊志所載府學尊經閣及廬陽書院存儲書目

備攷

前漢書一部

後漢書一部

三國志一部

晉書一部

宋書一部

南齊書一部

梁書一部

陳書一部

北魏書一部

北齊書一部

後周書一部

南史一部

北史一部

隋書一部

新唐書一部

五代史一部

宋史一部

遼史一部

金史一部

元史一部

續修廬州府志

卷十七

學校志

七

資治通鑑綱目一部

文獻通考一部

性理大全一部

冊府敘論一部

昭明文選一部

唐文粹一部

朱子語類一部

古唐詩紀一部

易經大全一部

書經大全一部

詩經大全一部

禮記大全一部

春秋大全一部

唐詩品彙一部

朱子文集一部

鄭荃陽四十大家文一部

漢魏百名家一部

文定一部

文待一部

史纂左編一部

稗編一部

武編一部

陳百史大家文一部

文苑英華一部

宋元人經解一部

二程全書一部均學道田
妻合史逸

孫購置
送學

朱子近思錄一部

小學四部

孝經一部

易經來註一部

禮樂志一部

學政全書一部均知府張
純修購置

御製訓飭士子文一軸

五經圖四軸

上諭三十四本

史記一部

上諭八本

前漢書一部

上諭四本

後漢書一部

御纂周易折衷二部

三國志一部

續修廬州府志

卷十七學校志

矣

御纂詩經傳說二部

晉書一部

御纂書經傳說二部

宋書一部

御纂春秋傳說二部

齊書一部

御纂性理精義一部

梁書一部

御纂朱子全書二部

陳書一部

欽定四書文二部

北魏書一部

御批資治通鑑綱目二部

北齊書一部

御批資治綱目三編二部

後周書一部

欽定新頒禮記義疏一部

南史一部

欽定周禮義疏一部

北史一部

欽定儀禮義疏一部

隋史一部

欽定學政全書一部

新唐詩一部

欽定唐宋詩醇一部

五代史一部

欽定周易述義二套

宋史一部

欽定詩義折衷一部

遼史一部

欽定春秋直解一部

金史一部

御製詩文一部

元史一部

上諭清漢對音字式各二部

周禮註疏一部

南巡盛典一部

易經註疏一部

御製文廟碑文一部

書經註疏一部

御製平定金川碑文一部

詩經註疏一部

武英殿聚珍版書一部

春秋註疏一部

續修廬州府志

卷十七

學校志

七

墨寶一道

禮記註疏一部

御論一本

論語註疏一部

上諭一道

嚴禁建造生祠等項鈔錄文

欽定科場條例一部

孟子註疏一部

萬壽衢歌樂章一本

公羊註疏一部

御論一道

穀梁註疏一部

爾雅註疏一部

儀禮註疏一部

孝經註疏一部

明史一部

四書解義二部

科場全例一部

磨勘條例一部

詩韻五櫃

太學碑文二紙

增輯學政全書二部

吏部處分則例二部

禮部則例二部

改正續編綱目二部

樂譜一部

十一經旁訓二部

學政全書一部

吏部則例一部

國子監則例二部

禮部則例二部

均節年奉到
頒發書籍

以上尊經閣書目

御纂周易述義一部

易經註疏一部

欽定詩義折衷一部

書經註疏一部

欽定春秋直解一部

詩經註疏一部

御製文初集一部

周禮註疏一部

御製詩初集一部

儀禮註疏一部

續修廬州府志

卷十七

學校志

矣

御製詩二集一部

禮記註疏一部

春秋註疏一部

公羊註疏一部

穀梁註疏一部

孝經註疏一部

論語註疏一部

孟子註疏一部

爾雅註疏一部

五經大全一部

汪武曹四書大全一部

新唐書一部

五代史一部

宋史一部

遼史一部

金史一部

元史一部

易經註疏一部

書經註疏一部

詩經註疏一部

春秋註疏一部

禮記註疏一部

周禮註疏一部

儀禮註疏一部

論語註疏一部

孟子註疏一部

公羊註疏一部

穀梁註疏一部

爾雅註疏一部

孝經註疏一部

五經大全一部

通鑑綱目一部

性理會通一部

正字通一部

汪武曹四書大全一部

儲選十大家古文一部

以上廬陽書院書目

